

**MANITOBA MOOSKA'OGOWIN ONAAKONIGEWIN****GIIZHAAKONIGEWIN**

Gii-giizhaakonigaade September 1, 2017 gaa-izhiseg.

**Awenenag**

CLIFFORD J. ANDERSON, KURVIS ANDERSON,  
BERTHA TRAVERS. PRISCILLA ANDERSON. LILLIAN TRAVERSE, MELLONEY FRANCOIS, MARY  
STAGG, zhigwa NORMAN STAGG

**Zhigwa**

GICHI-OGIMAAKWE NIIGAANISHKANG MANITOBA AKIIKAAN GAA-GIIGIDOOTAMAWAAD GAA-  
NIIGAANIID GIIGIDOOTAMAWAAD ANISHINAABE GIIWEDINONG GAYE

**Zhigwa**

GICHI-OGIMAAKWE NIIGAANISHKANG CANADA AKI, GIIGIDOOTAMAAGOD GAA-  
GIIGIDOOTAMAWAAD ANISHINAABE GIIWEDINONG IZHICHIGEWINAN GAYE

## Omaa Wezhibii'igaadegin

Nitam Gaagiigidowin .....	4 baakiiginigan
Giitwaam Ikidowinan .....	4 akoo 5
baakiiginiganan	
Onaakonigewin 1: Wiindamaagewinan .....	5 akoo 10
Onaakonigewin 2: Nitam onashowewin Giizhaakonigewin .....	10 akoo 11
Onaakonigewin 3: Giizhaakonige Diba'igewinan .....	11 akoo 17
Onaakonigewin 4: Wiindamaagewinan .....	17 akoo 18
Onaakonigewinan 5: Wii-dagwiisiwan .....	18
Onaakonigewin 6: Giizhaakonigeng Mooshka'ogowin .....	19
Onaakonigewin 7: Maada'ookiing zhooniyaa gaa-maawandoosed gaye .....	20
Onaakonigewinan 8: Naadamaagewinini Diba'igewinan .....	20-21
Onaakonigewin 9: Zagakibii'igewin zhigwa Ge-izhichigeng .....	21
Onaakonigewin 10: Ji-anaamingesiing Gegoon .....	21-22
Onaakonigewin 11: Bakaan Gegoon .....	22-24
Ge-onateg "A": Wiindamaagewin Zagakibii'igaadegin Diba'igewinan	
Ge-onateg "B": Wii-dagwiisiwin Mooshkinebii'igewin	
Ge-onateg "C": Dakosing Mooshkinebii'igewin, Wii-dagwiisiwin zhigwa Giizhaakonigewin Onashowewinan	
Ge-onateg "D": Ginoosing Mooshkinebii'igewin, Wii-dagwiisiwin zhigwa Giizhaakonigewin Onashowewinan	
Ge-onateg "E": Gwaawaanj Ji-dagobii'igowin	
Ge-onateg "F": Gwaawaanj Mooshkinebii'igewin	
Ge-onateg "G": Giizhaakonigewin Mooshkinebii'igewin	

Ge-onateg "H":	Dakosing Giizhaakonigewin Wiindamaagewin
Ge-onateg "I":	Ginoosing Giizhaakonigewin Wiindamaagewin
Ge-onateg "J":	Diba'igewin Giizhaakonigewin Wiindamaagewin
Ge-onateg "K":	Diba'igewin Mooshkinebii'igewin
Ge-onateg: "L":	Awenen Ge-diba'amawind
Ge-onateg: "M":	Debiseg Zagakibii'igewin
Ge-onateg: "N":	Zagakibii'igaadeg Michi-diba'igewin
Ge-onateg "O":	Nenishike-izhiwebiziwin Diba'igewin

## NISHTAM OZHIBII'IGEWIN

Clifford J. Anderson. Kurvis Anderson. Bertha Travers. Priscilla Anderson. Lillian Traverse. Melloney Francois, Mary Stagg, zhigwa Norman Stagg, biinjibii'odizowag ji-dagwiiwaad imaa giizhaakonigewining, ezhising Clifford J Anderson dago iniwedi. Onashowaanaawaad Manitoba Gichi-ogimaan zhigwa wiidanokiimaawaad., Court File No. CI 12-01-77146 (iwe "oko-onashowewin"), (oko-onashoweng da-inaawag omaa onji"), zhigwa iwe Her Majesty The Queen In Right Of The Province Of Manitoba niibawitamaagod gichi-ogimaakaan Minister Of Indigenous And Northern Relations ("Manitoba") dago iwe Majesty the Queen in Right of Canada, giigidootamaagod ini The Minister of Indian Affairs and Northern Development ("Canada") ("gaa-onashowaanindwaa" ji-dagonindwaa ji-diba'igeng ingi gaa-gii-maajigoziwaad gemaa gegoon gaa-gii-wanichigewaad imaa onji Lake St. Martin, Dauphin River, Little Saskatchewan zhigwa Pinaymootang First Nations ("First Nations"), apii gaa-gii-mooshka'ogowaad 2011 gaa-akiiwang, ji-giizhaakonigaadeg imaa onashowewining Manitoba Queen's Bench gaa-ijigaadeg.

## GIITWAAM IKIDOWINAN

- A. **MII IWE** oko-onashoweg ogii-maajitoonaawaa' iwe ji-maada-showeng, C.S.S.M. c. C130, Court File No. CI 12-01-77146, gaa-naadamaazowaad;
- B. **ZHIGWA IWE** gaa-oko-onashowewaad oniibawitamawaawaa' ini gaa-wiiji-onashowe'aawaad, gakina imaa onji niwin ishkonganing, gii-daawaad omaa Manitoba apii 2011 gaa-mooshka'ang.
- C. **ZHIGWA IWE** aazha owe izhichigewin gii-bagidinigaade onji imaa Manitoba Court of Appeal gaa-inindwaa gakina aaniish bezhigon gegoon onoojitoonaawaa' apii gaa-onaakonigaadeg iwe Certification of Decision gaa-ijigaadeg January 25, 2017,
- D. **ZHIGWA IWE** gaa-onashowaanindwaa gaawiin odebwetanziinaawaa' iwe onashowewin, gemaa wiinawaa gii-debimindwaa gegoo, gegoon ji-diba'igewaad, zhigwa oadaa-anawetaanaawaan gakina ini gaa-onji-onashowaanindwaa giizhaakonigewining.
- E. **ZHIGWA IWE** ongowe gaa-onashowaanidiwaad Giizhaakonigewin odaanaang, noongom zhigwa ani-niigaan ji-giizhaakonigaadeg gaa-gii-izhiseg 2011 gaa-mooshka'ang, gekenjigaadeg gemaa gaawiin.
- F. **ZHIGWA IWE** gaa-onashowaanidiwaad aazha besho gii-gaganoonidiwag gaa-giigidootamaagowaad onji, mii owe Giizhaakonigewin gaa-onatoowaad.
- G. **ZHIGWA IWE** gaa-onashowewaad zhigwa naadamaagewiniwag, memindage McKenzie Lake Lawyers LLP and Troniak Law, ogii-anamitoonaawaa' owe Giizhaakonigewin onashowewin, ogii-ganawaabandaanaawaan imaa wezhibii'igaadenigin aaniin

onaakonigewining ezhiseg, aaniin ge-inagindeg onashowaadenig iwe oko-onashowewaad onji, aaniin gaye ge-izhi-minosesinog gemaa giitwaam onashoweng, giidikidowag gaa-izhising imaa Giizhaakonigewining minosin edawaya’ii onji gaa-onashowaanidiwaad.

- H. **ZHIGWA IWE** aana-gii-ayaamagakin ji-onashoweng, gaa-onashowaanindwaa wii-maajitoonaawaa’ Giizhaakonigewin gakina gegoon ji-giizhaakonamowaad etenigin gemaa aanind niigaan ge-gagwedwewaad gaa-oko-onashowewaad mii awashime ji-agindamawaasiwindwaa, ji-daatagaa’asiwindwaa gemaa onzaam ginwezh ji-onashowengiban, ji-gikenjigaadeg gaawiin gaa-onashowaanindwaa oadaa-gii-maajitoosiinaawaa’ owe Giizhaakonigewin giishpin ono onji:
- I. **ZHIGWA IWE** gaa-onashowaanidiwaad onandawendaanaawaa’ ji-giizhaakonamowaad iwe onashowewin anaamimaasigwaa dash gaa-onashowaanaawaad.
- J. **ZHIGWA IWE** gaa-onashowaanindwaa, wii-anokaadamowaad owe Giizhaakonigewin ji-maamiinochigaadamowaad gakina gaa-oko-onashowewaad nendawendamowaad, abooshke bakaan ge-ani-dagwiiwaapan imaa onashowewining ji-ondiziwaapan ingiwe gaa-gii-mooshka’ogowaad wegonenan gaye ji-minindwaaban.

**MII DASH** ganawaabanjigaadegin ono mooshinebii’igewinan gaa-debwechigaadegin zhigwa iniwen gegoon gaa-dagosinging ji-naanaadawenjigaadegin ji-gikenjigaadegin gaye. Gakina debwetamoog ji-giizhaakonigaadeg owe onashowewin gakina ge-onashowaanidiwaad, mii onaakonigewining ate giizhaakonigewin omaa Manitoba akiing imaa wezhibii’igaadegin debwemagadoon ono onji:

## **ONAAKONIGEWIN 1: WIINDAMAAGEWINAN**

- 1.1 Owe eta Giizhaakonigewin onji, gigibii’an gakina giitwaam ikidowinan zhigwa ge-ani-onategin omaa:
  - (a) **2011 Mooshka’ogowin** iwe gaa-gii-mooska’ang Obashkodeyaang. Iskatewiziibing, Gaa-giishkikamigaag, zhigwa Pinaymootang Ishkoniganan omaa Manitoba apii gaa-ziigawan 201 1 wezhibii’igaadeg imaa onaakonige mazina’iganing;
  - (b) **Omaamiinochige** inaa’ awe gaa-maamiinotood mooshkinebii’igewinan;
  - (c) **Maamiinochige Diba’igewinan** ijigaadewan ini gakina ge-agindeg, wiinawaa gaa-oko-onashowewaad da-diba’igewag. Gaa-giigidootamaagewaad gemaa ji-bagidinigaadeg owe onashowewin Giizhaakonigewin, gakina da-diba’igaadewan abooshke Omaamiinochige, gaawiin dash wiin awe gaa-giigidootamaage naadamaagewininiwag ge-diba’amawindwaa;
  - (d) Iwe **Canada** ijigaade onji Gichi-ogimaakwe onji omaa Canada akiing, ge-giigidootamowaad Gichi-ogimaakaan gaa-anokiitawaad Anishinaabe’ omaa Canada.

- (e) **Mooshkinebii'igan** ijigaade ini mooshkinebii'iganan Giizhaakonigewining onji gaa-miigiwed gaa-onashowed gemaa ge-miigiwetamawind omooshkinebii'igan:
- (f) **Omaamiinochige** inaa' ogii-onasaawaan gaa-onashowaanidiwaad onaakonigewining onji, wiin ji-onji-ganawaabandang gakina gegoon ge-ani-izhisenigin, ge-ani-onatenigin gaye apii iwe **Ge-onateg "A"** maajiseg. Gii-debwetamoog gaa-onashowaanidiwaad ini RicePoint Administration Inc. gaa-inindwaa da-ani-maamiinochigewag, debwetamowaad Onaakonigewigamigong onji.
- (g) **Omaamiinochige Diba'igewinan ijigaadewan** ini gegoon ge-agindeggin wiin onji gaa-inanokiid ji-maamiinotood owe onashowewin, abooshke ji-diba'amawind zhigwa gegoon ge-aabajitoopan, dago gaye Maagoniganing Giizhaakonigewin, Giigidoobiiwaabikoons, zhigwa gaye gegoon ge-agindegiban;
- (h) **Mooshkinebii'iganan** ijigaadewan ini mooshkinebii'iganan gaa-miigiweng, **Ge-onateg "K"** da-maajise:
- (i) **Dawiseg Mooshkinebii'igewin** ijigaade apii awiyag gaa-oko-onashowewaad ji-odaapinigaadenig omooshkinebii'iganiwaan gaa-onatood Omaamiinochige, 120 dasogon apii gaa-gikenjigaadeg owe giizhaakonigewin wiindamaagewin.
- (j) **Eteg Onashowewin** ijigaade apii gaa-oko-onashowewaad daa-mooshkinebii'igewag, giishin ji-ondizid, daa-ondizi imaa onji Giizhaakonigewining;
- (k) **Eteg Onashowewin Zhooniyaa** ijigaade imaa ge-biminang Omaamiinochige imaa Ge-onateg 1 zhooniyaaawigamig ge-onjised zhooniyaa ji-dadiiba'amawindwaa ingiwe ge-ondiziwaapan, abooshke ji-diba'igaadeg owe onaakonigewin gaa-onji-dazhiikigaadeg zhigwa gegoon daabishkoo wiindamaagewinan da-onji-diba'igaadewan;
- (l) **Giishkiseg Mooshkinebii'igewin** ijigaade apii gaa-oko-onashowewaad ji-gii-mooshkinebii'igewaapan 120 dasogon apii gaa-wiindamaageng onachigaadeg owe Giizhaakonigewin;
- (m) **Gaa-oko-onashowewaad** ijigaazowag ingiwe gemaa debendamowaad gaa-izhi-dibendaagoziwaad ini niwin ishkonganinan, gii-daawaad gaye omaa Manitoba apii 2011 gaa-mooshka'ang;
- (n) **Gaa-oko-onashowewaad** inaawag Clifford Anderson wijichigemaad zhigwa Manitoba Gichi-ogimaan wenishawaanaawaad, imaa Court File No. Cl 12-01-77146;
- (o) Naadamawaad wenashowaanid inaa' McKenzie Lake Lawyers LLP zhigwa Troniak Law:

- (p) **Naadamaagewaad Diba'igewin** ijigaade iwe ge-diba'amawindwaa, ini gaye HST/PST/GST diba'igewinan zhigwa miinawaa aanind gegoon ge-agindegin.
- (q) **Gaa-oko-onashowed** ijigaazo awe gaa-dagwiid imaa Giizhaakonigewining.
- (r) **Onashowewin Wiindamaagewin** ijigaade odaapinigaadeg Giizhaakonigewin, ji-wiindamaageng gaa-oko-onashowewaad ikidowag.
- (s) **Giiskiseg Ge-ikidowin** ijigaade apii gaa-oko-onashowed ji-idangiban gegoon imaa Giizhaakonigewining, gegoon wii-ikidong ji-wiindamawind Omaamiinochige apii giishkisesinig. 45 dasogon ayaamagad gegoon ji-ikidongiban apii gaa-wiindamaageng wii-maajiseg giizhaakonigewin.
- (t) **Ge-onji-diba'igeng** ijigaade imaa ge-onji-diba'igeng Giizhaakonigewining, bakwenigaadeg ge-dadiiba'amawindwaa gaa-anokaadamowaad zhigwa gichi-ogimaa diba'igewinan;
- (u) **Onashowewigamig** ijigaade iwe Court of Queen's Bench of Manitoba;
- (v) **Gaa-onashowaanindwaa** ijigaazowag ingi Manitoba zhigwa Canada;
- (w) **Dibach Dadiiba'igewinan** ijigaadewan ini awiyag ge-ondiziwaapan dedibach da-dadiiba'amawaawag aaniin wiinawaa gaa-izhiwebiziwaad apii 2011 gaa-mooshka'ang, abooshke gaa-maajiigozid gemaa gaa-maajiiba'iwed gemaa gaye gaa-izhi-zanagitood gii-gibichiid ishkoninganing;
- (x) **Ge-agindeg Da-onate** ijigaade 30 dasogon gaa-ishkwaa-odaapinigaadeg Giizhaakonigewin onashowewin da-aginde giishpin idash gegoon meshkwajiseg onashowewining, da-onachigaade apii ge-agindeg onaakonigewining onji, gemaa gegoon gaa-onashowaanidiwaad debwetamowaad ji-meshkwajichigaadenig;
- (y) **Ge-ondizipan** ijigaade ini Omaamiinochige ge-ganawaabandang ji-ondizinid awiyan imaa onji gaa-gii-mooshka'ang Giizhaakonigewining.
- (z) **Ge-ondizid** ijigaade ingiwe Omaamiinochige ge-inasaad ji-ondizinid gegoon imaa onji Giizhaakonigewining apii gaa-gii-mooshka'ang onaakonigewin.
- (aa) **Anishinaabeg** ijigaazowag ingi onji Obashkodeyaang, Iskatewiziibiing, Gaa-giishkikamigaag zhigwa Pinaymootaang omaa Manitoba.
- (bb) **Michi-diba'igewin** ijigaade ini diba'igewinan gaa-giigidootamaagowaad gaa-onashowewaad, wiinawaa gegoon gaa-gii-dadiiba'igewaad ji-zagakibii'ang Omaamiinochige ezhising imaa Onaakonigewining **Article 3.8**, bagidinang onashowewigamig.

- (cc) **Manitoba** ijigaade iwe gaa-giigidootamawaawaad Her Majesty The Queen In Right Of The Province Of Manitoba giigidootamaaged The Minister of Indigenous And Northern Relations;
- (dd) **Bemendang Wiindamaagewin** ijigaazo awe gaa-gii-gagiiginaawaad gaa-onashowaanindwaa zhigwa onashowewigamig ji-wiindamaagenid aaniin ayizhichigeng. Gii-izhichigewag ini RicePoint Administration Inc. iwe da-izhigaabawiwaa apii onashowewigamig debwetang iwe ji-izhichigeng.
- (ee) **Giizhaakonigewin Gaa-agindegin** ijigaadewan ini gegoon gaa-agindegin apii gaa-maajii-dazhiikigaadeg owe Giizhaakonigewin daabishkoo (1) zagakibii'igewin, aanikanootaagewin, maajiinizha'iwewinan, bebakaan ji-izhi-waawiindamaageng owe Giizhaakonigewin, (2) aanind miinawaa gegoon ge-agindegin ji-gikendaagwak owe Giizhaakonigewin;
- (ff) **Wiindamaagewin Izhichigewin** ijigaade ini ji-gikendaagwakin aaniin enategin Mooshkinebii'iganan ezhisingin imaa **Ge-onategin "C"** zhigwa **"D"** zhigwa gaye ge-wiindamaageng enategin mooshkinebii'iganan ezhisingin imaa **Ge-onategin "H"** dago **"I"**;
- (gg) **Zaagijibii'odizowin** ijigaade iwe awiyya wii-zaagijibii'odizod wii-dagwiisig imaa Giizhaakonigewining. Ji-de-mooshkinebiyyang wii-dagwiisig Mooshkinebii'igan degosing imaa **Ge-onateg "B"** gaa-ijigaadeg.
- (hh) **Giishkiseg Zaagijibii'odizowin** ijigaade apii ishkwaaach awiyya gaa-onashowed wii-dagwiisig imaa Giizhaakonigewining: 45 dasogon jibwaa zagakibii'igaadegin mooshkinebii'iganan;
- (ii) **Zaagijibii'odizowin Mooshkinebii'igewinan** ijigaadewan ini mazina'iganan wii-dagwiisig awiyya ezhising imaa **Ge-onateg "B"**;
- (jj) **Zaagijibii'odizowin Wiindamaagewin** ijigaade ini ge-odaapinigaadegin mooshkinebii'iganan ezhisingin imaa **Ge-onategin "C"** zhigwa **"D"** gaa-izhisingin imaa **Ge-onateg "E"** wiindamawindwaa gaa-onashowewaad aanapii ge-mooshkinebii'igewaad wii-dagwiisigwaa.
- (kk) **Zaagijibii'odizowin Zagakibii'igewin** ijigaade ini zagakibii'igewinan Omaamiinochige ge-miinaad gaa-onashowenid naanogon gemaa niizhwaasogon jibwaa giishkisenig zaagijibii'odizowin;
- (ll) **Wiijichigendiwaad** inaawag ingi gaa-onashowewaad omaa Canada zhigwa Manitoba akiin:



- (mm) **Wijichigendiwaad** inaawag Clifford J. Anderson, Kurvis Anderson, Bertha Travers. Priscilla Anderson, Lillian Traverse, Mathew Traverse, Melloney Francois. Mary Stagg, zhigwa Norman Stagg;
- (nn) **Zagakibii'igaadeg Diba'igewinan** ijigaade ini gaa-oko-onashowewaad aaniin minik ge-onatood Omaamiinochige aaniin endashinid gaa-ayizhiwebizinid apii gaa-mooshka'ogowaad;
- (oo) **Onachigewin ijigaade** iwe dedibach awiyag ge-dadiiba'amawindwaaban aaniin endashiwaad gaa-ayizhiwebiziwaad apii gaa-mooshka'ogowaad imaa gaa-izhising Giizhaakonigewining, ezhising gaye imaa **Ge-onateg "M"** gaa-ijigaadeg;
- (pp) **Ji-bizinjigeng jibwaa Odaapinigaadegin** endashiwaad omooshkinebii'igewiniwaan, onashowewigamig ji-odaapinang gaye ji-ozhibii'igaadegiban, wii-dagwiisig awiya gemaa ji-odaapinigaadenig awiya omooshkinebii'igewin wiindamaagewin;
- (qq) **Jibwaa Odaapinigaadeg** awiya omooshkinebii'igewin, ji-dagwiisig gemaa gegoon noonde-ikidong, apii gaye ge-bizinjigeng awenen ge-dagwiid Giizhaakonigewining, da-onachigaade onashowewigamigong ezhising imaa **Ge-onategin "C"** zhigwa **"D"**;
- (rr) **Jibwaa Odaapinigaadeg Wiindamaagewin** ijigaade apii nisthtam gaa-wiindamaageng Maagoniganing Giizhaakonigewin;
- (ss) **Ji-onachigaadeg Jibwaa Odaapinigaadeg Wiindamaagewin** ijigaade aaniin gaa-izhi-wiindamaageng owe onashowewin ezhising **Ge-onateg "E"** onashowewin begadinang;
- (tt) **Jibwaa Odaapinigaadeg Onashowewin** ijigaade odaapinigaadeg onashowewin onashowewigamigong onji ezhising **Ge-onateg "F"**;
- (uu) **Wenashowewinan onji** ijigaade gakina gaa-gagwedweng, endawenjigaadegin, gegoon gii-anaamingeng gii-gigibii'igaadegin imaa Oko-onashowewining, gwayak gemaa wiimaa izhi, gakina onji, nishikewizid awiya iwe izhi, wiin igo awiya gemaa bakaan gegoon gemaa bakaan awiyan gaa-wiijiiwesening owanichigewin, abooshke gegoon ge-aginjigaadegin gii-dadiiba'igaadegin, naadamaagewininiwag diba'igewinan bigo izhi, izhi-gwayak gemaa waawiimaa izhi, gemaa bakaan awiya gemaa bakaan gegoon ge-anaamingaadegin bigo izhi, gii-onji-izhiseg, wenji-izhiseg gemaa ge-ani-izhiseg, ge-anaamimigaadegin gaa-gii-waawiindegin imaa Wenashowewining, gii-gikenjigaadeg, gikenjigaadesinog gaye gemaa gii-waniikeng gegoon ji-wiinjigaadegiban jibwaa onateg Giizhaakonigewin 2011 gaa-mooshka'ang;

- (vv) **Debaajimindwaa Wiindamaagewining** ijigaazowag Manitoba zhigwa Canada;
- (ww) **Begidinamowaad Wiindamaagewinan** ijigaazowag gakina endashiwaad gaa-oko-onashowewaad onashowewining giishin gii-zaagijibii'odizosigwaa dago giigidootamaagowaad;
- (xx) **Ogiigidootamaageg** inaawag ingiwe gaa-giigidootamaagewaad, gaa-inasindwaa gemaa bakaan awiyag niibawitamawaawaad gaa-oko-onashowewiwaad gemaa nenishike-ogiiigidootamaageg wenashowewaad onji;
- (yy) **Giizhaakonigewin** ijigaade owe onashowewin abooshke giitwaam ikidowinan dago Ge-onategin omaa onji;
- (zz) **Giizhaakonigewin Diba'igewin** ijigaade \$90.283.000.00 minik dago gaye gii-dazhiikigaadeg onashowewin aaniin gaye ge-izhi-dadiiba'igewaad Canada zhigwa Manitoba, diba'amowaad dazhiikigaadenig apii nishtam gaa-maajisenig, waawiindamaageng zhigwa diba'amawindwaa anokii'aaganag;
- (aaa) **Giizhaakonigewin Ge-baakinigaadeg** ijigaade apii onashowewining ge-baakiseg Giizhaakonigewin;
- (bbb) **Gaa-oko-onashowewaad** ji-bizindawindwaa onashowewigamigong ji-onashowaadeg mii ji-giizhaakonigaadeg gaa-gii-mooshka'ang;
- (ccc) **Giizhaakonigewin Ji-gikenjigaadeg** ijigaade apii ji-gikendamowaad gaa-gii-mooshka'ogowaad wii-maajiseg Giizhaakonigewin onashowewin, ezhising imaa **Ge-onategin "H"** zhigwa **"I"**;
- (ddd) **Giizhaakonigewin Wiindamaagewinan** ijigaade aaniin ge-izhi-wiindamaageng owe Giizhaakonigewin ayaamagak, ezhising imaa **Ge-onateg "J"** ji-odaapinamowaad onashowewigamigong;
- (eee) **Giizhaakonigewin Ji-giizhibii'igaadeg** ijigaade apii onashowewigamig ge-bagidinang owe Giizhaakonigewin ji-izhiseg aaniin gaye minik dawiseg minik gegoon ji-giitwaami-onashowaadamamban, gegoon wii-aanike-atoowin gemaa bigo gegoon noonde-giitwaami-onashowaadaman. Gakina da-giizhaakonigaade gaa-gii-ozhibii'igaadeg, gaawiin gaye gegoon da-meshkwajichigesiiim imaa onji Manitoba Court of Queen's Bench gaa-inindwaa ezhising imaa **Ge-onateg "G"**;
- (fff) **Giizhaakonigewin Giigidoobiwaabik** ijigaade iwe awiyag gaa-gii-mooshka'ogowaad ji-izhi-giigidowaapan gegoon noonde-gikendamowaad owe onashowewin;

- (ggg) **Giizhaakonigewin Maagoniganing** ijigaade gaa-achigaadeg Giizhaakonigewin wiindamaagewin maagoniganing;
- (hhh) **Nenishike Izhiwebiziwin Diba'igewin** ijigaade awiyag nenishike gaa-izhiwebiziwaad gaa-wanichigewaad gemaa gegoon gii-wanitoowaad gemaa gii-aakozi'igowaad apii 2011 gaa-mooshka'ang gaamashi gegoon gii-miinaasiwindwaa jii-wiijiwindwaa;
- (iii) **Nenishike Izhiwebiziwin Zhooniyaa** ijigaade aaniin minik zhooniyaa gii-nepiimasaa ji-dadiiba'amawindwaa Gaa-onashowewaad ezhising imaa Article 3.7, awashime 7.5°/a dibach imaa onji.
- (jjj) **Ge-giishkiseg Wiindamaagewin** ijigaade aanapii Canada zhigwa Manitoba ge-giishkinamowaad owe Giizhaakonigewin apii booniseg Zaagijigii'odizowin gii-ozhibii'amowaad Niigaan Onashoweg, gaawiin dash awashime 20 dasogon apii zagakibii'igaadeg Zaagijibii'odizowin.

## ONAAKONIGEWIN 2: NISHTAM EZHISEG, ONASHOWEWIN ODAAPINIGAADE

2.1 Imaa **Onaakonigewining 6**, gaawiin owe Giizhaakonigewin gegoon da-inagindesinoon giishin eta:

- (a) Bagidinigaadeg eta owe Giizhaakonigewin onashowewigamigong;
- (b) Odaapinigaadeg Onoshwewin gii-giizhaabanjigaadeg; zhigwa
- (c) aazha gii-bagamiseg aaniin apii maajiseg.

### 2.2 Ekidong Ji-odaaminigaadeg

#### Neyaag Babizinjigiwinan

- (a) Gaa-oko-onashowewaad da-izhichigewag neyaag ji-babizinjigeng, ji-ondinigaadeg ji-bagidinigaadeg ji-maajiseg onashowewin:
- (i) giizhaakonigeaadeg ji-maajiseg onashowewin; zhigwa
- (ii) Ji-odaapinigaadeg neyaag ji-maajiseg owe Onashowewin, mii owe da-maajiseg aanapii ge-zaagijibii'odizongiban, mii ge-izhi-booniseg aanapii ge-giishkiseg awiya Ji-zaagijibii'odizod.

- (b) Neyaag ji-odaapinigaadeg onashowewin ezhising imaa **Article 2.2(a)** onakonigewin gegaa igo naasaab da-izhibii'igaade daabishkoo **Ge-onateg "F"** aaniin ge-izhi-dedebwetaadiwaad Onashowewigimaag zhigwa Onashowewigamig.

### Giizhaakonigewin Babizinjigewinan

- (c) Apii giishkiseg iwe Ji-zaagijibii'odizowin, gaa-oko-onashowewaad da-gagwedwewag ani-niizh onashowewin ji-babizinjigeng Giizhaakonigewin onji Ji-odaapinigaadeg ji-maajiseg owe Giizhaakonigewin ji-maajichigaadeg:
- (d) Iwe Giizhaakonigewin ezhising imaa **Onakonigewining 2.2(g)(i)** gegaa iwe **Ge-onatet "F"** naasaab da-izhising, ogii-debwetaanaawaa' Gichi-onashoweg gaa-giigidootamaagewaad zhigwa gaye onashowewigamig.

## **ONAAKONIGEWIN 3: GIIZHAAKONIGEWIN DIBA'IGEWINAN**

### **3.1 Giizhaakonigewin Diba'igewin**

- (a) Aaniin minik igo ge-odaapinigaadesinogin gaa-oko-onashowewaad wiijichigemaasigwaa gaa-onashowaanaawaad zhigwa bakaan awiya' zhigwa gaye ji-odaapinigaadeg Giizhaakonigewin gaa-izhising imaa **Article 2.2(b)** onakonigewining, Manitoba zhigwa Canada ikidowag dedibach wii-dadiiba'igewaad owe enashoweng:
- (i) \$1,000,000 minik da-diba'igaade gaa-dazhiikigaadeg owe onashowewin, wiindamaagewinan gaye;
- (ii) \$6,000,000 minik Gichi-onashoweg da-diba'amawaawag (gaawiin awashime 15% ji-giikiseg gakina Giizhaakonigewin ge-diba'igeng):
- (iii) \$83,281,000 minik dedibach da-dadiiba'amawaawag endashiwaad gaa-gii-mooshka'ogowaad endaso-izhiwebiziwaad.
- (b) Gaa-onashowaanindwaa da-diba'igewag iwe Giizhaakonigewin ezhising imaa **Article 3.1(a)** onakonigewining:
- (i) Gaa-onashowaanindwaa oga-diba'amawaawaan Omaamiinochigen apii minoseg giizhaakonigeng biminizha'igaadeg iwe **Article 3.1(a)(i)** ezhising ishpiming;
- (ii) Apii ishkwaaw inakonigeng, gaa-onashowaanindwaa da-diba'igewag:

- (A) oga-diba'amawaawaan Omaamiinochigen ezhising imaa **Article 3.1(a)(iii)**; zhgiwa
- (B) McKenzie Lake Lawyers LLP oga-diba'amawaawaa' imaa ezhising **Article 3.1(a)(ii)** onaakonigewining ishkwaach diba'igewin ogiigidootamaageg onji bagidinamowaad onashowewigamig, da-izhinizha'amawaa Omaamiinochige mii imaa onji McKenzie Lake Lawyers LLP naadamaagewininiwag Giizhaakonigewining zhooniyaa da-onjisewan).
- (c) Omaamiinochige oga-asaawaan zhooniyaan zhooniyaawigamigong ezhising imaa Ge-onateg 1. Aaniin igo minik giikised zhooniyaa da-asaa Giizhaakonigewining onji. Aaniin igo minik ge-giikised zhooniyaa, da-biminizha'igaade minik imaa ge-giikised zhooniyaawigamigong ebid. Giishpin gakina zhooniyaa aabadizisig, da-ani-giikise 5% endasowaki minik ji-aabadizid dadiiba'igeng imaa onji.
- (d) Gaawiin aabiinj gaa-onashowaanindwaa da-izhigaabawisiwag awashime gegoon ji-diba'amawaad apii giizhi-diba'igaadeg Giizhaakonigewin bigo gegoon ojijisegibaniin.
- (e) Omaamiinochige oga-naagaji'aan zhooniyaan Giizhaakonigewin onji ezhising imaa Giizhaakonigewining, gaawiin gaye gegoon bakaan da-diba'igesiiim imaa onji ezhising imaa Giizhaakonigewining, giishin eta onashowewigamig gegoon inaakonigaadeg gemaa gaa-onashowaanidiwaad debwetaadiwaad.
- (f) Gaa-onashowaanindwaa debwetamoog ji-diba'amowaad minik gaa-ikidoomagak iwe Giizhaakonigewin gaa-gii-wiindamaageng imaa **Article 4.1** niisaya'ii.

### **3.2 Wiindamaage Enanokiid zhigwa Omaamiinochige**

- (a) Gaa-onashowaanidiwaad debwetamoog onashowewigamig gii-onasaawaad ini RicePoint Administration Inc. ji-niigaanishkamowaad Wiindamaagewin zhigwa Maamiinochigewin ji-dadiba'amawaad gaa-gii-mooska'ogonid imaa Giizhaakonigewining onji.
- (b) Gaa-niigaanishkamowaad owe onashowewin da-inabiwag gakina gegoon ji-biminamowaad, gegoon dash wiin gii-aanawenjigaadeg, gemaa minosesinog imaa Giizhaakonigewining enwaadang gaa-niigaanishkamowaad owe onashowewin ji-minoseg aaniin ge-izhi-mino-giizhkaakonigaadegiban, abooshke bimenjigaadegin onashowewi-mazina'iganan, zagakibii'igewinan zhigwa aandi wiiji'iwewinan ge-aabajichigaadegin gwayak ji-dazhiikigaadeg minik ji-giizhaakonigaadeg ezhising imaa **Ge-onateg "A"** omaa onji.

- (c) Omaamiinochige oga-biminizha'aan gaa-onatoowaad Gaa-onashowaanidiwaad daabishkoo owe gaa-gigising omaa, gaawiin eta Ji-zaagijibii'odizowin (**Ge-onateg "B"**) zhidwa Mooshkinebii'igan (**Ge-onateg "K"**) ji-dazhiikigaadeg Giizhaakonigewin. Gaa-maamiinochiged idash da-izhigaabawi awenena' ge-onasaad ji-giigidootamaagenid daga gaye ji-meshkwajichigaadenigiban iwe Ji-zaagijibii'odizowin zhidwa nawach ji-minosegiban ge-mooshkinebii'igaadeg imaa onashowewining.
- (d) Omaamiinochige oga-ganawendaanan mazina'iganan gemaa maagoniganing ini mooshkinebii'igewinan minik ningowaki (1) apii ishkwach gaa-diba'amawind awe Giizhaakonigewining, mii dash ishkwaa izhiseg, oadaa-webinaanaawaan ini mazina'iganan awashime ji-ani-aabajichigaadesinogin gemaa ji-anamichigaadesinogin.
- (e) Jibwaa (5) naanogon giizhised endaso-giizis, Omaamiinochige oga-miinaa' ogiigidootamaage ozagakibii'igewin niibidebii'ang gagetin agindenigin ono:
- (i) Gakina Gaa-maamiinochiged ojijisenig ji-dadiiba'ang gemaa ge-ani-ovejisenigin ji-dadiiba'ang apii ani-giizhaginzonid ini giizisoon;
  - (ii) Gakina ini diba'igewinan ge-ovejisegin ani-boonagin zod endaso-giizis, aazha gii-gwaawaanjichigem ji-dadiiba'igaadegin; zhidwa;
  - (iii) Ge-ishkosed zhooniyaa ge-miigiweng imaa onji onashowewining.
- (f) Gaawiin gegoon da-anaamimaasiwag Gaa-niigaanishkamowaad owe onashowewin aaniin gaa-izhi-danaabaji'aawaad dazhiikamowaad zhidwa giizhanokaadamowaad owe Giizhaakonigewin Onashowewin.

### 3.3 Ji-ondizing Izhichigewin

- (a) Giishin ji-ondiziyaa omaa onji Giizhaakonigewining, gaa-onashowed ji-miinaad Gaa-niigaanishkaminid owe onashowewin jibwaa giishkisenig apii ge-odaapinigaadenigiban bezhid (1) mooshkinebii'igewin, weweni mooshkinebii'igaadenig wegodogwen gegwejimind; zhidwa (2) gakina mazina'igan endawenjigaadegin ji-gigisingin gimooshkinebii'igewining. Giishpin gaa-onashowed miigiwesig omooshkinebii'igan jibwaa giishkisenig, zhemaag da-izhiseni gaawiin gegoon gegoon da-odizisii imaa onji Giizhaakonigewin Onashowewining. Giishpin awiya bana'ang ji-gii-miigiwepan omooshkinebii'igewin, gaawiin Gaa-niigaanishkang oga-ganawaabandanziiin.

- (b) Aaniin ezhising imaa Ji-ondiziyan Izhichigewining, wiindamaagemagadoon mazina'iganing Ge-onateg "A" gaa-ijigaadeg. Ji-izhichigengiban ozhibii'igaadewan imaa onashowe mazina'iganing.
- (c) Apii giizhanokaadamowaad Gaa-niigaanishkamowaad gii-biminizha'amowaad onaakonigewin, wiinawaa da-ikidowag apii giizhisenig.
- (d) Gaawiin gegoon imaa Gaa-niigaanishkamowaad Wiindamaagewinan bagidinaasiwag gaa-onashowewaad gemaa gaa-giigidootamaagowaad ji-biminizha'amawaapan Onaakonigewin imaa Giizhaakonigewining aaniin ge-ezhichigeng ji-biminizha'igaadeg. Gaawiin endashiwaad gaa-onashowaanidiwaad dago gaa-giigidootamaagowaad gegoon da-anaamimaasiwag (1) giishin awiya bwaanawitood gegoon ji-ondizisig (ii) gemaa gegoon ji-ondizisig gaawiin aaniish gakina gegoon gaa-gagwedweng imaa onaakonigewining gii-gashkitoosiwan ji-miigiweyan.
- (e) Gakina mooshkinebii'igewinan gaa-onashowewaad miinaawaad Gaa-niigaanishkamonid (i) da-achigaadewan Maagoniganing gemaa (ii) mazina'iganing ji-maada'ookiwaad Canada Post gaa-inindwaa zhemaag giizhibii'igaadenigin gemaa ningodibik gemaa michininj da-miigiwem. Gakina mooshkinebii'iganan gaa-maajiinizha'igaadegin aazha gii-minind Omaamiinochige apibii'igaadeg apii gaa-miinind. Gakina mooshkinebii'iganan gaa-odisigod Omaamiinochige zhemaag ningogiizhig gemaa ningodibik da-waabanjigaade daabishkoo gii-odisigod apii wezhibii'igaadenig mazina'iganing gaa-gii-odisigod Omaamiinochige owe onashowewin.

### **3.4 Ge-ondiziwaad Giizhaakonigewining**

- (a) Gaa-zagakibii'igaadeg Diba'igewin da-onji-agindeni ingiwe gaa-onashowewaad ji-onatoonid Omaamiinochigen ji-diba'amawindwaabin Giizhaakonigewining.
- (b) Ingiwe eta enaabamaawaad Gaa-niigaanishkamowaad da-ondiziwag imaa onji Giizhaakonigewining.

### **3.5 Nenishike-izhiwebiziwin**

- (a) Nenishike-izhiwebiziwin da-zagakibii'igaadeni aaniin minik da-dadiiba'amawindwaa imaa Article 3.12 onaakonigewining gaa-izhising.

### **3.6 Gaa-zagakibii'igaadeg Diba'igewin**

- (a) Gaa-niigaanishkang oga-onatoon aaniin minik endashinid gaa-onashowenid ge-miinimimind zagakibii'igewining onji. Aaniin minik ge-miinindwaa da-onaginjigaade imaa onji Ge-onateg "m" omaa onji.

### 3.7 Nenishike Izhiwebiziwin Diba'igewin

- (a) Nenishike Izhiwebiziwin Diba'igewin da-miinaawag ingiwe ji-ondiziwaapan ge-izhi-onatood Omaamiinochige aaniin ezhisininig imaa **Ge-onateg "O"** onashowewining omaa onji.

### 3.8 Michi-diba'igewin

- (a) Gaa-onashowewaad daa-miinaawag Michi-diba'igewin, onashowewigamig bagidinang, Zhooniyaa gaa-ganawenimind onji. Gaa-onashowed oga-miinaawaan Gaa-niigaanishkamoniid mooshkinebii'igan zhigwa gegoon ji-gikendaagwadinig wegonen ji-diba'amawindwaaban.
- (b) Gaa-niigaanishkang oga-onatood aaniin minik ge-michi-diba'amawind awiya gii-mooshkinebii'iged oga-dibawagendaan aaniin minik biminizha'ang iwe **Ge-onateg "N"** omaa onji onashowewining.

### 3.9 Diba'igewin Zagakibii'igewin

- (a) Jibwaa 15 dasogon giishkiseg ji-mooshkinebii'igeyan, Gaa-niigaanishkang oga-zagakibii'aan aaniin minik ji-onatood ji-dadiiba'iged ono aabajitood:
- (i) Niibidebiiwindwaa Ge-diba'amawindwaa
  - (ii) Aaniin minik nenishike deba'amawindwaa;
  - (iii) Nenishike Diba'igewin endashiwaad mooshkinebii'igewaad;
  - (iv) Nishike Izhiwebiziwin Diba'igewin endashiwaad ji-dadiiba'amawindwaa giishin ondiziwaad; zhigwa
  - (v) Michi-diba'igewin endashiwaad onji, giishin ji-ondiziwaapan.
- (b) Gaa-niigaanishkang oga-izhinizha'aan naasaabaakizigaadeg Diba'igewin izhi ogiigidootamaagen zhigwa gaa-onashowaanindwaa.

### 3.10 Ishkwaach Diba'igewinan Ge-ondiziwaad onji

Ishkwaa zagakibii'igaadegin mooshkinebii'iganan, zhigwa gakina gii-zagakibii'ond zhooniyaa (Dazhiikigaadeg Diba'igewin, Dadiiba'igewinan, Michi-diba'igewinan zhigwa gaa-anokaadamowaad diba'amawindwaa) mii gaa-onashowewaad da-dadiiba'amawaawag.



### 3.11 Gaawiin Ji-azhediba'igesiim Diba'igewin

Aaniin igo inaakonigewining ezhibii'igaadeg ashamigoowin onji, gaawiin da-azhegiwe-diba'igesiim gaa-gii-ondiziyan gaa-gii-izhiwebiziyan apii gaa-mooshka'ogowan. Gaawiin daabishkoo diba'amaagoowin da-inaabanjigaadesinooon ge-miinigoowin Giizhaakonigewining onji. Gaawiin gegoon da-meshkawjisesinooon giishin ashamigoowin apii dadiiba'igaadegin gaa-gii-nishike ayizhiwebizowaad gaa-gii-mooshka'ogowaad.

### 3.12 Ge-ishkosed Zhooniya gemaa Ge-aabaji'aasiwind

Giishin jibwaa (12) daso-giizisoog izhisemagak aazha gii-dadiiba'amawindwaa Giizhaakonigewining onji, ishkosed zhooniya gii-meshkwadoonigaadesinogin zhooniya mazina'iganan, ge-ani-giikised zhooniya gaa-gii-aabaji'aasiwind gemaa gii-miigiwesiing, mii owe izhi da-izhi-aabadizi:

- (a) Giishin \$1,000,000, gemaa awashime, dedibach da-maada'ookiim. Gakina gaa-miinindwaa Michi-diba'igewin dedibach gemaa naanaasaab: gemaa
- (b) Giishpin noondebid \$1,000,000, da-maada'ookiim awiyag ji-ondiziwaapan gii-debwenimaawaad gaa-onashowewaad, bagidinang onashowewigamig.

### 3.13 Gichi-ogimaa Diba'igewinan, Giikised Zhooniya

- (a) Gakina gaa-giikised zhooniya onji imaa Giizhaakonigewining gemaa Ebid zhooniya da-dagonaa imaa Giizhaakonigewining Diba'igewinan.
- (b) Wiinawaa Ogiigidootamaageg oga-biminaawaan zhooniyaan imaa Giizhaakonigewinig zhigwa Ebid zhooniyaan.
- (c) Gakina zhooniyaan Gaa-niigaanishkang genawenimaad onashowewigamig oga-naagaji'aan minik ji-aabadizinid imaa Giizhaakonigewining onji gemaa ge-ani-inaakonigeng.
- (d) Ogiigidootamaageg, wiidanokiindiwaad oga-naadamawaawaa' gaa-onashowaanindwaa gegoon minosesinog gemaa gegoon gii-banichigeng gemaa gaye gegoon gii-waniikeng ji-dazhiikigaadeg ini gaa-anokaadaminid owe Giizhaakonigewin Onashowewin memindage aaniin minik ebid zhooniya zhigwa ge-izhi-bimizha'igaadeg onakonigewin gwayak ji-biminigaazod gemaa biminizha'igaadeg gegoon onashowewigamig enaakonigeng.
- (e) Gakina Gichi-ogimaa Diba'igewinan gemaa Giikised zhooniya imaa Giizhaakonigewining onji gemaa gaa-abid imaa zhooniya, wiin Omaamiinochige oga-bimendaan aaniin ge-izhisenig. Gaa-niigaanishkamowaad oga-wiidanokiimaawaa' Gaa-giigidootamaagenid ji-

zagakibii'igewaad aaniin minik Gichi-ogimaan ji-izhi-diba'igewaad, wiinawaa oga-dazhiikaanaawaa' ji-zagakibii'amowaad aaniin minik gaa-giikisenid zhooniyaan aaniin minik gaye ji-ondinaawaad zhooniyaan ji-dadiiba'amawaad gakina gegoon imaa onji Giizhaakonigewining onashowewin.

- (f) Gaawiin gaa-anokaadamowaad Giizhaakonigewin oga-zagakibii'anziinaawaa' aaniin minik ge-diba'amawaapan Gichi-ogimaan, gemaa ji-onji-diba'igewaad gegoon anokaadamowaad owe Giizhaakonigewin gemaa wiinawaa ji-diba'amowaad gegoon onji iwe onashowewin.

## **ONAAKONIGEWIN 4: WIINDAMAAGEWINAN**

### **4.1 Wiindamaagewinan**

- (a) Apii ojijisenig, Ge-wiindamaagewaad oga-maajitoonaawaa' Wiindamaagewinan.
- (b) Apii ojijisenig, geget omaa onji oga-maajitoonaawaan ini wiindamaagewinan ji-maada'ookiing onji imaa gaa-dazhiikigaadenig. Gaa-izhising omaa, gaawiin wiinawaa igo Ge-wiindamaagewaad gegoon da-ikidosiiwag gemaa oga-bizikendanziinaawaan gegoon imaa Wiindamaagewining daa-banichigewag maagizhaa bisomaawaad awiyan gemaa maji-dazhimaawaapan onakonigewining daa-onji-maamiinochigaazowag, gemaa giwanimowaad imaa Wiindamaagewining ge-maada'ookiowaad.
- (c) Apii ojijisenig, geget omaa onji oga-maajitoonaawaan ini wiindamaagewinan ji-maada'ookiing onji imaa gaa-dazhiikigaadenig. Gaa-izhising omaa, gaawiin wiinawaa igo Ge-wiindamaagewaad gegoon da-ikidosiiwag imaa ini 18 wiindamaagewinan, gekenjigaadegin gemaa gekenjigaadesinogin apii iwe 2011 gaa-gii-mooshka'ang gemaa gegoon ji-gigisidoowaad imaa wiindamaagewining daabishkoo gaa-onashowaanidiwaad gii-ikidowaad memindage gii-giiwanimong gegoon Wiindamaagewining daa-banichigewag maagizhaa bisomaawaad awiyan gemaa maji-dazhimaawaapan onakonigewining daa-onji-maamiinochigaazowag, gemaa giwanimowaad imaa Wiindamaagewining ge-maada'ookiowaad bezhig gemaa awashime ini wiindamaagewinan.
- (d) Gaa-onashowaanidiwaad onandawendaanaawaa' ji-bagidinang onashowewigamig mii gakina mooshkinebii'iganan da-bagidinigaadewan gemaa daa-gii-odaapinigaadewan onji gaa-oko-onashowewaad gemaa gaa-onashowaanidwaa ezhising Giizhaakonigewining.

- (e) Ono eta gegoon omaa ji-atesinogin, gaa-onashowed gii-zaagijibii'odizosig gemaa ge-diba'amawaasiwind, Giizhaakonigewining onji gaawiin gegoon oga-ayaasiin ji-ikidod ini gaa-maada'ookiing wiindamaagewinan apii gaa-bagidinigaadegin, aaniin ge-ani-izhiseg megwaa dazhiikigaadeg owe Giizhaakonigewin onashowewin, ini gekenjigaadegin gemaa gekenjigaadesinogin, abooshke gegoon ji-achigaadegibaniin imaa Giizhaakonigewin onashowewining, mii imaa da-onji-bagidinaawag gaa-niigaanishkamowaad zhigwa ingiweg gaa-anokaadamowaad.
- (f) Ono eta gegoon omaa ji-atesinogin, gaa-onashowed gii-zaagijibii'odizosig gemaa ge-diba'amawaasiwind, gaawiin wiikaa oga-ayaasiin ji-dagwiid gegoon ji-izhichigepan imaa onashowewining gemaa gegoon ji-ani-izhichiged ji-onashowaanaapan awiyan abooshke ini gaa-anokaadaminid, gichi-ogimaan gemaa nanaandok gaa-wiijichigemindwaa imaa dazhiikigaadenig owe Giizhaakonigewin, bigo gegoon ge-izhi-migoshkaajitoopan gaa-izhi-bimenjigaadenig gemaa gaa-izhi-giizhaakonigaadenig apii giishkisenig owe izhichigewin.

#### 4.2 Bagidinigaadeg Oko-onashowewin

Gaa-onashowaanidiwaad, debwetamowaad, dagoseg Odaapinigaadeg Giizhaakonigewin, daa-gagwedwewag onashowewigamigong ji-bagidinigaadenig owe onashowewin, gaawiin gegoon da-izhiwebizisiim.

### ONAAKONIGEWIN 5: WII-DAGWIISIWAN

#### 5.1 Ezhichigeng

Aaniin awiya ji-izhi-zaagijibii'odizopan omaa onji onashowewining, aaniin apii zhigwa wegonenan ge-andawendangiban, gaa-onashowaanidiwaad oga-onatoonaawaan zhigwa onashowewigamig oga-odaapinaan, da-biminizha'igaade iwe **Ge-onateg "B"** gaa-izhising.

#### 5.2 Zaagijibii'odizowin Wiindamaagewin

Gaa-dagoseg Neyaag Babizinjigeng, Ogiigidootamaageg da-miigiwewag mazina'igan gakina gaa-onashowaanidiwaad ge-debwetamowaad onashowewigamig gaye gii-odaapinang daabishkoo **Ge-onateg "C"** zhigwa **Ge-onateg "D"** (Neyaag Wiindamaagewin), aanind miinawaa gegoon da-dagotewan wii-dagwiisiwan. Mii dash ingi gaa-gii-mooshka'ogowaad noonde-dagwiisigwaa Giizhaakonigewining da-zaagijibii'odizowag jibwaa ojijisenig apii ge-doodamowaapan, daa-mooshkinebii'igewag iwe (**Ge-onateg "B"**) jibwa ojijisenig.

### 5.3 Zaagijibii'odizowin Zagakibii'igewin

Naanan akoo niizhwaasogon anokii giizhigadoon apii gii-giishkiseg ji-dagwiisiwan, gaa-onashowaanindwaa zhigwa ogiigidootamaageg Gaa-niigaanishkaminid oga-miinigoowaan mazina'iganan aaniin minik dagwiisigwaa, aaniishwiin gaye onji, dago gaye zaagijibii'odizowin mooshkinebii'igan (Zaagijibii'odizowin).

## ONAAKONIGEWIN 6: GIIZHAAKONIGENG MOOSKA'OGOWIN

### 6.1 Aaniin Ge-izhi-giishkaakonigewin

Canada gemaa Manitoba odaa-giishkaakonaan owe Onashowewin, giishin debwendamowaad endashiwaad gemaa onzaam niibowa awiyag gii-zaagijibii'odizowag imaa onashowewining. Canada zhigwa Manitoba odaa-giishkinaanaawaa' owe onashowewin gii-giishkiseg ji-zaagijibii'odizowin, ozhibii'amawaawaad ogiigidootamaage jibwaa (20) dasogon ojijiseg gaa-giishkiseg zaagijibii'odizowin ("Giishkiseg Zaagijibii'odizowin). Canada zhigwa Manitoba da-onabiwag jibwaa gishkinamowaad.

### 6.2 Ge-izhiseg Giishkaakonigewin

- (a) Giishin giishkinigaadeg Giizhaakonigewin, gakina gaa-onashowaanidiwaad neyaab da-izhigaabawiwag gaa-gii-izhigaabawiwaad jibwaa maajisenig owe onakonigewin. Gakina onashowewinan gemaa gaa-mooshkinebii'igeng dana'achigaadewan apii jakibii'amowaad gii-giishkinigaadeg owe onashowewin minik giitwaam ji-maadanaadeg miinawaa gemaa ge-ikidoomagak onakonigewin gegoon api-aabajitoosigwaa owe megwaa Giizhaakonigewin gaa-ayaamagak.
- (b) Aaniin gaa-inagindeg Ji-wiindamaageng owe maajiseg onakonigewin, gaawiin memwech neyaab da-diba'igaadesinon giishin giishkinigaadeg.

### 6.3 Odaapinigaadesinog Onashowewining

- (a) Giishpin owe Giizhaakonigewin odaapinigaadesinog onashowewining:
  - (i) Gaa-izhising niisaya'ii Article 6.3(b), gaawiin da-aabadisinon, gaawiin gaye memwech gaa-onashowaanidiwaad ji-biminizha'amowaad, mii-go eta gaa-ozhibii'igaadeg imaa Onakonigewin 10, mii iwe wiin da-ayaamagad; zhigwa
  - (ii) Gakina ge-onashoweng gaa-wiidabindiwaad, zhigwa Giizhaakonigewin ge-dazhinjigaadeg, gaawiin da-maanaabamaasiwag gaa-onashowaanidiwaad, neyaab da-azhegiwewag gaa-gii-inabiwaad jibwaa gii-maajichigaadeg owe onashowewin.

- (b) Gakina ezhigaabawiwaad Gaa-onashowaanidiwaad oga-ayaanaawaan ezhigaabawiwaad giishin onashowewigamig odaapinzig owe Giizhaakonigewin.
- (c) Minik gaa-inagindeg ji-wiindamaageng owe onashowewin, gaawiin memwech da-azhe-diba'igesiim giishin onashowewigamig odaapinzig owe onashowewin.

## **ONAAKONIGEWIN 7: MAADA'OOKIING ZHOONIYAA GAA-MAAWANDOUSED GAYE**

### **7.1 Giizhaakonigewin Diba'igewinan**

- (a) Omaamiinochige oga-bimenimaan zhooniyaan owe onji Giizhaakonigewin, oga-ganawendamawaa' gaa-gii-mooshka'ogonid, apii ge-ojjisenig enaakonigeng imaa Giizhaakonigewining, apii odaapinang onashowewigamig da-dadiiba'igem imaa onji.
- (b) Omaamiinochige oga-dadiiba'amawaa' ji-diba'amawindwaaban ingi gaye gaa-dagwiisigwaa ezhising imaa **Article 3.10(a)** onakonigewining owe onji Giizhaakonigewin.

### **7.2 Zhooniyaa Imaa Onashowewining**

Gaawiin gegoon da-izhi-maanaabamaasiwag gaa-niigaanishkamowaad owe onashowewin gemaa gegoon anoojigo gegoon ji-anaamimindwaa gaa-izhi-dazhiikamowaad, abooshke minik bebakaan gegoon gaa-gii-diba'amowaad dago gaa-ayinagindenigin gegoon gaa-wiiji'igowaad ji-inanokiiwaad. Gaawiin gegoon wiinawaa igo da-diba'ige'aasiwag megwaa dazhiikamowaad owe onashowewin minik ji-giizhisenig, abooshke ogiigidootamaageg, giishin eta **Article 3** onakonigewining bakaan izhisinig imaa Giizhaakonigewining.

## **ONAAKONIGEWINAN 8: NAADAMAAGEWININI DIBA'IGEWINAN**

### **8.1 Ji-odaapinigaadeg Ogiigidootamaage Diba'igewinan**

- (a) Ogiigidootamaageg da-gagwedwewag Onashowewigamigong apii Onachigaadeg owe Onashowewin aaniin minik ge-diba'amawindwaaban Ogiigidootamaageg. Onashowewigamig oga-ganawaabandaan aaniin ge-inashowewaad Gaa-onashowaanidiwaad. Gaawiin Gaa-niigaanishkamowaad gegoon da-ikidosiwwag aaniin minik ji-diba'amawindwaaban.

- (b) Ogiigidootamaage 15% dibach da-diba'amawaawag anokaadamowaad owe Giizhaakonigewin, dago aaniin bakaan gegoon ge-ani-agindegin.
- (c) Minik gegoon ge-diba'igaadenigin Ogiigidootamaageg onji gaa-gii-odaapinang onashowewigamig, da-biminizha'igaade Article 3.1(a)(ii) onaakonigewin aaniin minik ge-diba'amawindwaaban gaawiin wiinawaa gegoo oga-diba'anziinaawaan.
- (d) Ogiigidootamaageg da-onji-diba'amawaawag imaa onji Onashowewining apii odaapinigaadeg onashowewigamigong.
- (e) Gaa-onashowewaad gaa-gii-mazina'ige'aawaad ogiigidootamaage' owe onji Giizhaakonigewin, wiinawaa igo ji-dadiiba'amaawaad.

## ONAAKONIGEWIN 9: ZAGAKIBII'IGEWIN ZHIGWA GE-IZHICHIGENG

### 9.1 Ayizhichigeng Niigaanishkigaadeg Onashowewin

- (a) Neyaag Odaapinigaadeg: Gaa-onashowewaad da-wiindamawaawag:
  - (i) Dagwiiwaad, zaagijibii'odizowin, ezhigaabawiwiniin zhigwa baakinigaadeg Giizhaakonigewin: zhigwa
  - (ii) Giishkiseg gegoon imaa Giizhaakonigewining.
- (b) Gii-odaapinigaadeg: Da-wiindamawaawag gaa-onashowewaad:
  - (i) Gii-odaapinigaadeg onashowewigamigong Giizhaakonigewin zhigwa aaniin ji-izhichigeng wii-dagwiiwan dago mooshkinebii'igewin zhigwa gaye aaniin ji-izhi-ganoonindiban Gaa-niigaanishkang, ogiigidootamaageg gaye giishin awashime gegoon noonde-gagwedweyan.
- (c) Ogiigidootamaageg ogikendaanaawaa' gakina wiindamaagewinan ji-odaapinigaadegin onashowewigamigong onji. Gaawiin gegoon da-maajiinizha'igaadesinoon baanimaa ikidong.
- (d) Giishin Wiindamaagewinan zhigwa Gaa-niigaanishkamowaad giikisenig minik ji-gii-aabaji'aawaad, **Article 3.1(a)(i)** onaakonigewin da-biminizha'igaade, Giizhaakonigewining da-onjise.

## ONAAKONIGEWIN 10: JI-ANAAMINGESIING GEGOON

### 10.1 Gaawiin Gegoon Debimaasiwin

- (a) Gaa-onashowaanidiwaad debwetamoog, giishin abooshke Giizhaakonigewin izhiseg gemaa giishkinigaadeg, gakina gegoon gaa-dagosegin omaa Giizhaakonigewining, gakina mazina'iganan, gaa-gii-ikidong aaniin gaye gaa-izhichigeng, gaawiin gegoon imaa da-ondinigaadesinon ji-maanaabamindwaa Gaa-oko-dazhiikamowaad owe onashowewin, gaawiin gaye gegoon imaa onji da-aabadasinon ji-onji-anaamimindwaa gegoon gii-banichigewaad gemaa gegoon gaa-gii-maada'ookiwaad wiindamaagewinan gemaa gegoon onashowewining gaa-oko-onashowewaad ge-aabajitoowaapan.
- (b) Gaa-onashowaanidiwaad gaye debwetamoog, giishin owe Giizhaakonigewin maajiseg gemaa giishkinigaadeg, gaawiin gegoon imaa onashowe mazina'igananing etegin da-aabadasinon ji-onashowaanindiban awiya, gemaa ningoji bakaan, ji-andooshkigaadeg eta daga odaapinigaadeg owe onashowewin gemaa gaye ji-aabadakin gegoon gaa-gii-onachigaadegin imaa.

### 10.2 Maada'ookiing Wiindamaagewinan Ji-ondaakawindiban Gaa-niigaanishkamowaad

Gaawiin gegoon ji-ondaakawindiban awiya imaa onji ini Wiindamaagewinan gaa-gii-maada'ookiing Giizhaakonigewin onji.

## ONAAKONIGEWIN 11: BAKAAN GEGOON

### 11.1 Ezhi-gashkichigaadeg

Gaa-onashowaanidiwaad ezhi-gashkitoowaad oga-dazhiikaanaawaa' owe Giizhaakonigewin.

### 11.2 Ji-giizhashoweng Aaniin Ji-izhichigeng

- (a) Gaa-onashowaanidiwaad zhigwa gaa-giigiidootamaagewaad gakina da-izhaawag onashowewigamigong ji-gagwedwewaad aaniin ge-izhi-dazhiikamowaapan owe Giizhaakonigewin.
- (b) Gakina gegoon waa-izhichigeng imaa Giizhaakonigewining, abooshke onashowewigamigo wiiji'iwewin, da-waawiindamawaawag Gaa-onashowaanidiwaad.

### 11.3 Ge-apiichiseg

Ogiigidootamaageg da-gagwe-izhichigewag zhemaag ishkwaadaapinigaadegin Onashowewinan, Giizhaakonigewin gaye ji-maadankaadamowaapan.

### 11.4 Niigaan Ozhibiigewinan Giizhaakonigewining

- (a) Aaniin ezhi-bapakwenigaadegin Onaakonigewinan omaa Giizhaakonigewining ji-wendak wegonenan etegin imaa onaakonigewining, gaawiin wiin aaniin ezhi-onachigaadeg gemaa aaniin enwaajigaadeg owe Giizhaakonigewin.
- (b) Ikidowina daabishkoo “owe Giizhaakonigewin”, “Giizhaakonigewin”, “omaa onji”, “omaa ezhising”, “omaa eteg” aabadakin Giizhaakonigewin eta dazhinjigaade, gaawiin bezhigwewig gegoon Giizhaakonigewining.

### 11.5 Onaakonigewin zhigwa Ezhi-dibendaagwak

- (a) Iwe Giizhaakonigewin omaa Manitoba akiikaaning Onaakonigewin da-biminizha'igaade dazhiikigaadeg owe Onashowewin.
- (b) Wiinawaa Onashowewigamig oga-bimendaanaawaa' aaniin ezhichigaadegin gakina gegoon imaa Giizhaakonigewining.

### 11.6 Gakina Giizhaakonigewin

- (a) Owe Giizhaakonigewin gakina gegoon atewan imaa etoowaad Gaa-onashowaanidiwaad, mii maawanj gii-niigaanagindeg apiich wiin gegoon gaa-gii-inenjigaadeg, gaa-gii-dazhinjigaadeg gemaa gaa-gii-inwaadeg, dago gaye ashodamaagewinan gemaa gii-michi-inwaazong, da-ozhibii'igaade onashowewin omaa ikidoomagak iwe. Gaa-onashowaanidiwaad debwetamoog gaawiin gegoon awashime gii-maamiinaasiwag gemaa gii-ashodamawaasiwag imaa eta etenig Giizhaakonigewining. Gaawiin endashiwaad bakaan gegoon oga-biidoosiinaawaan izhichigewinan, ini eta imaa etegin Giizhaakonigewining, ezhisininig.
- (b) Gaawiin owe Giizhaakonigewin da-meshkwajibii'igaadesinon, debwetamowaad eta gakina gaa-onashowaanidiwad ozhibii'igaadenigin, ji-odaapinigaadeg onashowewigamigong onji.

### 11.7 Giizhaakonigeng Izhiwebiziwin

Apii Giizhaakonigaadeg owe onashowewin onashowewigamigong, gakina gaa-onashowaanidiwaad, ogiigidootamaageg, gaa-anokaadamowaad zhigwa geniigaanishkamowaad oga-biminizha'anaawaa' onaakonigewin.



### **11.8 Bapiiwin**

Gakina enwaadegin, enategin gegoon omaa Giizhaakonigewining da-bapiimagad ishkwa dazhiikigaadeg.

### **11.9 Dedibach Giizhaakonigewin**

Owe Giizhaakonigewin dedibach da-anokaajigaade, gakina dash okonigaadeg da-bezhigon, zhigwa naasaabaakideg onashowewin zhigwa wiinzowinan daabishkoo gagetin ini ji-dazhiikigaadeg owe Giizhaakonigewin. Daa-miigiwe owe Giizhaakonigewin nishtam ozhibii'igaadeg, naasaabibii'igaadeg gemaa bakaan izhi mazinising da-izhi-aabadad daabishkoo gagechinaawang.

### **11.10 Gii-oko-giizhaakonigeng**

Gaawiin gegoon onakonigewining onji da-inwaadesinon omaa Giizhaakonigewining nawach ji-wiiji'igod endashiwaad gaa-onashowaanidiwaad.

### **11.11 Diba'iganan**

Endaso-diba'iganan wiindegina omaa Giizhaakonigewining daa-aanjibii'igaadewan giishin gaa-onashowaanidiwaad inendamowaad zhigwa onashowewigamig.

### **11.12 Inwewin**

Gaa-onashowaanidiwaad gii-debwetamoog gakina owe Giizhaakonigewin Ji-zhaaganaashimowing ji-izhibii'igaadeg.

### **11.13 Ojibwe (Anishinaabe) Aanikanoochigaadeg**

Ge-anishinaabebii'igaadeg owe Giizhaakonigewin, gakina Ge-onategin gegoon, Wiindamaagewinan owe onji Giizhaakonigewin wiinawaa Gaa-niigaanishkamowaad owe onashowewin oga-diba'aanaawaa', da-maamiinaawag gaa-onashowewaad gagwedwewaad.

### **11.14 Gaajichigewin**

- (a) Gaawiin endashiwaad oga-giiwanimotanziinaawaa' owe Giizhaakonigewin gaa-onashowaanidiwaad ji-noondawindwaa. Giishin gegoon wii-ikidong ji-dibaadodamowaad, aazha gii-giizhashowaade Giizhaakonigewin, onashowewigamig gaye ogii-odaapinaan, mii dash gaawiin gegoon da-anaamimaasii awiwa gegoon gemaa ji-giizhaadidang jibwaa

giizhaakonigaadenig, gakina oga-aanawetaanaawaa' gaa-onashowaanindwaa.

- (b) Gaawiin endashiwaad Gaa-onashowaanidiwaad oga-maanaajimaawaasiwaawaan awiya gaa-onashowaadid aaniin owe Giizhaakonigewin gaa-izhi-dazhiikigaadeg.

#### **11.15 Giitwaam Ikidowinan**

Gaa-giitwaami-ikidong imaa onji Giizhaakonigewining, debwewan imaa Giizhaakonigewining.

#### **11.16 Ge-onategin**

Ge-ani-wawonategin onashowewinan, aanind ini imaa Giizhaakonigewining.

#### **11.17 Gagetin Wiinzowinan**

Gakina gaa-jakibii'amowaad wiinzowiniwaan inasaawag ji-dagwiiwaad dazhiikamowaad owe Giizhaakonigewin, giigidootamaagewaad gaye onashowaaniding.

#### **11.18 Wiindamaagewinan**

Giishin gegoon wii-wiindamaadiwaad gaa-onashowaanidiwaad gemaa wii-ozhibii'amaadiwaad, maagoniganing da-onji-izhichigem gemaa gaa-aazhidebii'igesenig gemaa ningodibik ji-izhinigaadeg mazina'igan, awenen igo ezhinizha'amawind daabishkoo ongo gaa-wiinzowaad niisaya'ii.

#### **Gaa-onashowewaad, Ogiigidootamaage gaye:**

Michael J. Peerless

Dennis Troniak

#### **McKenzie Lake Lawyers LLP**

#### **Troniak Law**

140 Fullarton Street  
Suite 1800  
London ON N6A5P2

1000-444 St. Mary Avenue  
Winnipeg MB R3C 311

Giigidowin: (519) 667-2644  
Aazhide: (519) 672-2674

Giigidowin: (204) 947-1743  
Aazhide: (204) 947-0101

Maagonigan: [peerlessmckenzielake.com](http://peerlessmckenzielake.com)

Maagonigan: [info@troniaklaw.com](mailto:info@troniaklaw.com)

**Canada onji:**

Paul Anderson  
Prairie Region/Region des Prairies  
Department of Justice Canada  
Ministere de la Justice Canada

301-310 Broadway Ave/.310  
Broadway piece 301  
Winnipeg, Manitoba R3C 0S6

Giigidowin: (204) 983-0873  
Aazhide: (204)984-0074

Maagonigan: pandersojustice.gcca

**For Manitoba:**

Neil Trenholm

Manitoba Justice  
Legal Services Branch  
73 0-405 Broadway  
Winnipeg, Manitoba R3C 3L6

Giigidowin: (204) 945-0241  
Aazhide: (204) 948-2041

Maagonigan: neil.trenholmgov.mb.ca

WIINZOWINAN ONJI

Gaa-onashowaanidiwaad ogii-baakinaanaawaa' owe Giizhaakonigewin ezhising nishtam ozhibii'iganing.

Clifford J. Anderson, Kurvis Anderson, Bertha Travers. Priscilla Anderson, Lillian Traverse, Mellone Francois, Mary Stagg, zhigwa Norman Stagg,

Endaso :

Diba'igan, \_\_\_\_\_

\_\_\_\_\_  
McKenzie Lake Lawyers LLP

Endaso:

Diba'igan, \_\_\_\_\_

\_\_\_\_\_  
Troniak Law

Lawyers for the Plaintiffs

Diba'igan: August 2017

Her Majesty the Queen in right of the Province of Manitoba, giigidootamaagod ini the Minister of Indigenous and Northern Relations

Endaso:

\_\_\_\_\_  
Minister of Indigenous and Northern Relations

## GE-ONATEG “A”

### WIINDAMAAGEWIN ZHIGWA GAA-NIIGAANISHKANG IZHICHIGEWINAN

#### ONAAKONIGEWIN 1

#### GIKENJIGAADEG BIMENJIGEWIN

##### **Bigo Gegoon**

- 1.1 Ono izhichigewinan ge-ozhibii’igaadegin ji-gikenjigaadeg Wiindamaagewinan zhigwa Giizhaakonigewin dago Ge-diba’amawindwaa awiyag. Wiinawaa Gaa-niigaanishkamowaad oga-bimendaanaawaan (**Omaamiinchige inaa’ omaa onji**) gii-debwewagandang zhigwa ji-naanaagajitood Onashowewigamig.
- 1.2 Maagizhaa Omaamiinochige bakaan gegoon da-ayizhichige ji-dazhiikang owe Giizhaakonigewin biminizha’ang goda ezhisininig Giizhaakonigewin (abooshe Wiindamaagewinan zhigwa Ayizhichigewinan). Gaawiin ono izhichigewinan daa-meshkwajichigaadesinon giishin eta inendamowaad Gaa-onashowaanidiwaad, giishpin eta gegoowan aanjichigaadegin gemaa giitwaam achigaadegin, onashowewigamig inaakonang. Waniikesiing gaa-ikidong, Omaamiinochige da-aanjichige imaa onji Giizhaakonigewining giishpin debwetamowaad Gaa-onashowaanidiwaad, giishin dash biminizha’igaadeg onakonigewin ji-aanjichigeng gegoon, gaawiin memwech onashowewigamig andawenjigaadesinon ji-odaapinang ini aanjichigewinan.
- 1.3 Omaamiinochige oga-dazhiikaan Giizhaakonigewin ji-dadiiba’amawaad gaa-gii-moosha’ogonid ayapii wawojijisenig, ezhi-gashkitood igo, minik igo awashime ji-agindesinog gegoon anokaajigaadeg owe Giizhaakonigewin.
- 1.4 Omaamiinochige da-maada’ookii bigo gegoon wiindamaagewinan ji-gikendamowaapan Giizhaakonigewining gaa-onashowaanidiwaad. Bigo awe gaa-giigidootamaaged da-izhichige ji-izhinizha’amawaasiwind gegoon wiindamawaad idash Omaamiinochigen.
- 1.5 Omaamiinochige oga-biminizha’aan ezhising imaa Giizhaakonigewining, zhigwa gaa-izhichigeng dazhiikigaadeg owe onashowewin ji-debwechigaadeg ji-gaajichigeng da-izhibii’igaade mazina’igan ji-jakibii’igaadeg.
- 1.6 Gakina ikidowinan gaa-inwaadegin atewan omaa Giizhaakonigewining. Gakina Wiindamaagewinan zhigwa Ayizhichigewinan dazhiikigaadeg owe Giizhaakonigewin da-dibawagenjigaade biminizha’igaadeg iwe Manitoba Court of Queen’s Bench Rules onakonigewin ge-mikigaadeg omaa <http://web2.gov.mb.callaws/rules/qbrle.php> as Regulation 553/88 to the Court of Queen ‘s Bench Act, C.C.S.M. c. C280.

## **Onjida Ji-izhichigeng**

1.7 Zhigwa gaye (gegoon gibitinigaadesinog) Omaamiinochige Onjida da-izhichige:

- (a) Ji-ayaanid minik gekenjigenid anokii'aagana' ji-onji-naagaji'aad ji-gashki'ewizinid ji-dazhiikaminid owe Giizhaakonigewin minik gaa-gii-onachigaadeg ji-dazhiikigaadeg.
- (b) Ji-onatood aaniin ji-izhi-nakwetawindwaa gaa-onashowewaad Zhaaganaashiimong, Anishinaabemong gaye, abooshke giigidowin ji-izhi-giigidong dago maagoniganing ji-onjibii'igeyan;
- (c) Ji-dadibaajimod ezhising imaa Giizhaakonigewining (abooshke Wiindamaagewinan, Ayizhichigewinan gaye), Zaagijibii'odizowinan zhigwa ekidowaad Gaa-onashowewaad, dibaajimotawaad Gaa-onashowaanidinid aaniin ayizhisenig iwe Giizhaakonigewin, aaniin minik aazha zhooniyaa maada'ookiing, aaniin minik eshkosed Giizhaakonigewining zhigwa aaniin minik gaa-giikaginzonid;
- (d) Ji-wiidanokiimaad Gaa-onashowaanidid, onatood ji-gaganoonidinid ji-wiindamawaad aaniin ayizhisenig dazhiikigaadeg Giizhaakonigewin. Apii ezhi-andawenjigaadeg: zhigwa
- (e) Aanind miinawaa gegoon ji-izhichigeng onashowewigamig ningoding gegagwedwed.

## **Gaganoonidiwin**

1.8 Gaa-niigaanishkang oga-anokii'aa' awiya' Zhaaganaashiimonid, Anishinaabemonid gaye gii-bi-inanokiinid gemaa da-gikino'amawaa aaniin ji-izhi-gaganoonaad gaa-onashowenid Anishinaabe'.

1.9 Omaamiinochige oga-onatoon bebakaan ji-inweng giigidowin ji-wiijiwindwaa gaa-onashowewaad Anishinaabeg aaniin ayizhiseniging odoonashowewiniwaan.

1.10 Omaamiinochige oga-onatoon maagoniganing ji-onji-wiijiwindwaa gaa-onashowewaad Anishinaabeg.

1.11 Gakina Omaamiinochige odoozhibii'igewinan Canada Post da-aabadizi ji-maajiinizha'igaadenigin.

## **ONAAKONIGEWIN 2: WIINDAMAAGEWINAN GAA-DAZHIIKIGAADEG GIIZHAAKONIGEWIN**

2.1 Omaamiinochige da-maada’ookii ini Neyaag Odaapinigaadeg, zhigwa Giizhaakonigewin Wiindamaagewinan ezhising Giizhaakonigewining zhigwa **Ge-onateg D** zhigwa **G** onashowewinan, zhigwa ekidong onashowewigamigong.

2.2 Neyaag Odaapinigaadeg Wiindamaagewin, Omaamiinochige da-:

- (a) Ji-onachigaadegin Zaagjibii’odizowin mazina’iganan maagoniganing, ji-ozhichigaadegin mazina’iganan giishin awiya gagwedwed;
- (b) Ezhising imaa Giizhaakonigewin, Article 5.3 onakonigewining ozhibii’igaade Zaagajibii’odizowin mooshkinebii’igan ji-miinindwaa gaa-onashowaanidiwaad, aaniin minik endoodamowaad, aaniishwiin onji, giishin gikenjigaadeg, da-maamiigiwem iwe Zaagjibii’odizowin mooshkinebii’igewin;
- (c) Ezhising Giizhaakonigewin zhigwa Ge-onategin onashowewinan, omaawandoonaawaan Gaa-onashowewaad omazina’iganiwaan gaa-gii-ikidowaad, mii naasaab ini ezhi-maamiinaawaad gaa-onashowaanidinid jibwaa baakinigaadeg Giizhaakonigewin; zhigwa
- (d) Ji-onatood iwe Giizhaakonigewin maagoniganing zhigwa ozhibii’igaadegin iwe Giizhaakonigewin bigo awiya gaa-onashowed Anishinaabe gaa-andawendang, gemaa da-izhinizha’amawaa.

2.3 Apii ge-odaapinigaadeg Wiindamaagewin Giizhaakonigewin onji, Omaamiinochige da-:

- (a) Oga-atoon dakosing zhigwa ginwaabii’igaadeg Giizhaakonigewin Wiindamaagewin maagoniganing:
- (b) Wiidabimaad Gaa-onashowaanidid, oga-ozhibii’aan “Gegoon Netaa-gagwedweng”, oga-atoon maagoniganing ji-waabanjigaadenig; zhigwa
- (c) Oga-atoon Mooshkinebii’iganan maagoniganing zhigwa da-maamiigiwewag mazina’iganing ingiwe Anishinaabeg gaa-onashowewaad, da-maamiinaawag aaniin ji-izhi-ganoonaawaapan awiyan gemaa daa-gagwedwewag naasaab mazina’igan giishin andawendamowaad.

### **ONAAKONIGEWIN 3: GAA-NIIGAANISHKAMOWAAD**

- 3.1 Ezhising imaa Giizhaakonigewining, Omaamiinochige ji-dazhiikang:
- (a) Maama’oobing Wiindamaagewinan miziwe Manitoba waawijji’aawaad Gaa-onashowenid Mooshkinebii’igewaad:
  - (b) Zagakibii’igaadegin Mooshkinebii’iganan aaniin minik ge-dadiiba’amaageng biminizha’igaadeg iwe Giizhaakonigewin zhigwa Ge-onategin omaa onji:
  - (c) Dadiiba’iged zhooniyaan biminizha’ang Giizhaakonigewining zhigwa Ge-ani-onategin omaa onji zhigwa gaye Wiindamaagewinan aaniin gaye ayizhichigeng dazhiikigaadeg gemaa enaakonigeng onashowewigamigong;
  - (d) Onaginjigaadegin, maamiigiweng gaye michi-diba’igewinan ge-ondiziwaapan biminizha’igaadeg idash owe Giizhaakonigewin.
  - (e) Naagajiwind zhigwa maada’ookiing zhooniyaa imaa onji onashowewining biminizha’igaadeg goda Giizhaakonigewin.
- 3.2 Gaa-niigaanishkang da-izhichige maawanj bangiins ge-diba’amawindiban gichi-ogimaa imaa onji genawenimind zhooniyaa Giizhaakonigewin onji.
- 3.3 Biminizha’igaadeg Article 3.3.6 onakonigewin Giizhaakonigewining onji, jibwaa ojijiseg giishkisege mooshkinebii’igewin Omaamiinochige oga-zagakibii’aan Mazina’igan wiindamaaged ono gegoon:
- (a) Ozhibiwindwaa Ge-diba’amawindwaaban
  - (b) Aaniin dedibach ge-maamiinindwaa ge-diba’amawindwaa;
  - (c) Nenishike Diba’ige endashiwaad ge-miinindwaa;
  - (d) Nishike Izhiwebiziwin Diba’igewin ge-miinindwaa gaa-onashowewaad, giishin odaapinigaadeg; zhigwa
  - (e) Michi-diba’igewin ge-maamiigiweng, giishin odaapinigaadeg.
- Omaamiinochige oga-izhinizha’amawaa’ Ogiigidootamaage zhigwa Gaa-onashowaanindwaa maagoniganing izhi.
- 3.4 Giishin azhenigaadeg Diba’igewin, oga-gagwe-andooshkaan Omaamiinochige aaniishwiin onji (daabishkoo oga-andone’waan awenenan ini gemaa oga-



andooshkaan aaniishwiin gaa-onji-azhenigaadeg diba'igewin, mii ge-izhi-waawiindamawaad Gaa-onashowaanidinid).

- 3.5 Ishkwaa (180) dasogon gaa-ishkwaa-dadiiba'igeng, gaa-meshkwadoonigaadesinogin zhooniyaa mazina'iganan da-giishkinigaadewan, mii da-maada'ookiim awe zhooniyaa.

#### **ONAAKONIGEWIN 4:**

#### **BAKAAN GEGOON**

##### **Giikinigaadeg Ge-booniseg**

- 4.1 Gaa-onashowaanidiwaad, giishin onjida ji-aanjichigaadeg Giishkinigaadegin Ge-boonisegin owe dazhiikigaadeg Giizhaakonigewin, gakina onji gemaa bezhig eta gaa-onashowed Anishinaabe gaa-gii-mooshinebii'iged.
- 4.2 Bigo gegoo bana'amowaad Gaa-niigaanishkamowaad dazhiikamowaad nanaandok gegoon imaa Giizhaakonigewining gaawiin daa-izhisesinooon awiya gegoon imaa ji-ondizipan Giizhaakonigewining onji gemaa gegoon ji-gii-banichiged maana-doodawaad Gaa-onashowenid.

##### **Gaajichigewin Gaganoonidiwin**

- 4.3 Bigo gegoon gaa-miigiwed Gaa-onashowed gemaa gegoon gii-ondinigaadeg awiya onji Giizhaakonigewining (abooshke Bebakaan ono Wiindamaagewinan) da-gaajichigaade, gaawiin gegoon da-wiindamaagesiim, awiyag eta ge-wiiji'iwewaad diba'amimind awiyan omaa onji Giizhaakonigewining gemaa giishin inaakonigeing onashowewining dago ini Ge-onategin omaa onji. Gakina gaa-onashowewaad gaa-gii-mooshka'ogowaad ogii-badinaanaawaan ono ji-gikendaagwadinigin iwe onji Giizhaakonigewin onashowewin.

##### **Giizhaakonigewin**

- 4.4 Giishin gegoon gaa-dazhiikigaadegin imaa Giizhaakonigewinign biminizha'igaadeg onakonigewin minosesinog, Giizhaakonigewin da-biminizha'igaade ji-gwayakochigeng.

## GE-ONATEG “B”

### ZAAGIJIBII’ODIZOWIN

**Gaawiin owe ji-ondiziyan mooshkinebii’igan, owe mazina’igan onji ji-dagwiisiwan Giizhaakonigewining. Gego mooshkinebii’angen giishin wii-dagwiian Giizhaakonigewining.**

Owe Oko-onashowewin ikidoomagad Gaa-onashowaanindwaa gii-banichigewag apii 2011 gaa mooshka’ang Obashkodeyaang, Iskataajiwanong, Gaa-giishkigamigaag zhiigwa Pinaymootang Ishkoniganan (2011 Gaa-mooshka’ang).

Ingi Manitoba Onashowewin ogii-odaapinaanaawaa’ owe onashowewin owe izhi:

Gakina ezhi-dibendaagoziwaad ini Ishkoniganan:

- i. Gaa-mooshka’ang 2011 odishkoniganiwaang, ezhisenig, endashiwaad igo; gemaa
- ii. Gii-maajiba’iwewag, aandasaawag gemaa gii-maajigoziwag gii-mooshka’ang 2011 ishkoniganing; gemaa
- iii. Ogii-bwaanawitoonaawaa’ ji-anokiiwaad mii gaawiin gii-gashkichigesiiwag gii-mooshka’ang 2011 ishkoniganing.

Giishin wii-zaagijibii’odizoyan, mii gaawiin gegoon giga-ondizisii imaa onji Giizhaakonigewining, giishpin gaye onashowewigamig odaapinang. Gigashki’ewiz idash wiin giin igo ji onashowaanidwaaban (giishin dash izhichigeyan jibwaa giishkiseg apii ji-gii-doodamamban).

Giishin wii-zaagijibii’odizoyan omaa onji, ji-mooshkinebii’aman owe mazina’igan, ji-jakibii’aman mii ji-izhinizha’aman, **bigi izhi, jibwaa** November 30, 2017 ojjiiseg, ji-izhinizha’amawadwaa Gaa niigaanishkamowaad niisaya’ii gaa-ozhibii’igaadeg izh. Gaawiin awashime ji-dagwiisiwan da izhisesinoon.

Gaawiin awiya da-zaagijibii’odizosii giishin de-daso-biboonesig gemaa bagakendanzig, onashowewigamig eta oada-bagidinaan ishkwaa giigidootamaagod Naagaji’igod Onaakonigewining Manitoba.

**Weweni anamitoon gakina mazina'igan aaniin ji-doodaman.**

1. **Aweneniwiyan:** Ozhibii'an aweneniwiyan giishin dash zaagijibii'od awiya onji, daga mooshkinebii'an aweneniwid gaa-izhi-dibendaagozid ji-dagwiid imaa onashowewining.

Megwaa gidizhinikaazowinan (nishtam gaa-igoowan, wiidigeyan) midaasowaki apan gaa-bi  
igoowan, nishtam wiinzowin, nawaya'ii ozhibii'igan):

Prefix: Mr. Mrs. Miss Ms. Dr.

---

Nishtam wiinzowin

Naawaya'ii wiinzowin

---

Ishkwenikaazowin

---

Giwiinzowin Jibwaa

---

Enawemad Ezhi-dibaadaagozid (daabishkoo wiigimaan gemaa abinoojii) Netaawigiwin (Giizhig/Giizis/Aki)

---

Miikana Aginjigan Daawin

---

Oodena/Akiikaan/Gikinawaaj Aginjiganan

---

Giizhigak Giigidowin, Onaagoshig Giigidowin Maagoniganing mikaagoowin

Inwewin Noonde-aabajitoowin:

Zhaaganaashiimowin

Anishinaabemowin

2. **Onashowewin Ogiigidootamaage (giishin izhiseg):** Giishin mooshkinebii'igetamawad owe

zaagjibii'odizowin awiya imaa izhi-dibendaagozid (naagajitamaaged dibenjigewin), gegiin ozhibii'an aweneniwiyan, dagotoon mazina'igan aniin ezhi-giigidootamawad awe ezhi-dibendaagozid omaa onashowewining.

---

Ishkwenikaazowin	nishtam	nawaya'ii
------------------	---------	-----------

---

Miikana Aginjigan Daawin

---

Oodena	Akiikaan/Gikinawaaj	Aginjiganan
--------	---------------------	-------------

---

Giizhigak Giigidowin	Onaagoshig Giigidowin	Maagoniganing mikaagoowin
----------------------	-----------------------	---------------------------

---

Dinookaan Ogiigidootamaage (nagajitoowin dibenjigewin, naagaji'ad awiya)

Dagotoon onashowe mazina'igan gemaa gegoon iwe izhi giin geget giigidootamawad awe imaa ezhi-dibendaagozid, jakibii'an niisaya'ii aaniin ezhigaabawid gaa-giigidootamawad:

- de-daso-biboonesig (onashowewining bimenimad, bimendaman odibenjigewin, gemaa onashowe mazina'igan wiijiweseg);
- awiya bagakendanzig gemaa ji-naagaji'idizosig (onashowe mazina'igan iwe izhising dibenjigewin onji gemaa onashowe mazina'igan gemaa gii-inateg ji-izhigaabawiyana naagajitoowin awiya odibenjigewin);
- Gii-nibod awiya mazina'iganan onji Gaa-niigaanishkamowaad.

3. **Naadamaagewinini Gegoon (izhiseg)**; Giishin giin gemaa awe imaa izhi-dibendaagozid gii mazina'ige'aayeg naadamaagewinini 2911 Mooshka'ogowin onji, mooshkinebii'an ono:

Ezhinikaadeg Anokiiwin \_\_\_\_\_

Ishkwenikaazod Naadamaagewinini \_\_\_\_\_

Nishtam wiinzowi Naawaya'ii \_\_\_\_\_

Daawin \_\_\_\_\_

Oodena \_\_\_\_\_

Akiikaan \_\_\_\_\_

Miikana Aginjigan Daawin \_\_\_\_\_

Giigidowin \_\_\_\_\_ Aazhidebii'igesewin \_\_\_\_\_

Maagoniganing \_\_\_\_\_

Onaakonigewin Giigidowin \_\_\_\_\_

#### 4. Debwetam zhigwa Gikendaman

**Ningii-anamitoon, ningikendaan gaye zaagijibii'odizowaan, gaawiin wiikaa ninga-ondizisii gegoon onji imaa Giizhaakonigewining gemaa gaa-onashowanindwaa onji.**

---

Apii ezhiseg	Wiinzowin (Debendaagozid gemaa giigodootamaage, Niigaanishkang gemaa giigodootamaagod)
--------------	---

---

Gwayak Ozhibii'an Wiinzowin

Giishin gegoon noonde-gagwedweyan mooshkinebii'aman owe, ganoonzh ginaadamaagewinini gemaa Gaa-niigaanishkang omaa izhi \*

RICEPOINT

GEGOON GAA-OZHIBII'IGAADEGIN OMAA MAZINA'IGAN DA-GAAJIGAADE

## GE-ONATEG "C"

DAKOSING – Agindeg, Zaagijibii'odizowin zhigwa Giizhaakonigewin Wiindamaagewi

## 2011 MANITOBA OMOOSKA'OGOWIN OKO-ONASHOWEWIN GIIZHASHOWEWIN ZHIGWA GIIZHAAKONIGEWIN WIINDAMAAGEWINAN

*Bigo awiya ezhi-dibendaagozid Pinaymootang, Gaa-giishkikamigaag, Obashkodeyaang gemaa Iskatejiwanong Ishkoniganan gii-daawaad Manitoba*

*2011 gaa-mooshka'ang:*

*Okonashowewin da-onjise qegoon ezhiqaabawiyen qiqashki'ewiziwin onakonigewining.*

### AGINDEG

Onashowewigamig ogii-odaapinaan oweji-okonashowaadeg apiich wiin bebezhiig Ji wawonashowaadamowaad ingi ezhi-dibendaagoziwaad imaa.

### GIIZHASHOWEWIN

Apii gaa-okobiwaad Gaa-onashowaanidiwaad wegonen ji-onashowaadeg, iwe Giizhashowewin jidaapinigaadeg onashowewigamigong jibwaa awiya gegoon diba'amawind. Apii odaapinigaadeg onashowewining, Wiindamaagewin da-ozhichigaade aaniin ji-izhi mooshkinebii'aman ji-diba'amaagoowin.

**Gizhashowewin Wiindamaageng** gii-onachigaadewan omaa apiin January 12, 2018, 10:00 am imaa Law Courts, 408 York Avenue, Winnipeg Manitoba.

#### Giizhashowewin Ezhising:

Aana-gii-banichigesigwaa, Manitoba zhigwa Canada gichi-ogimaag wii-diba'igewag \$90,283,000.00 minik. Naadamaagewinini Diba'igewinan, Gegoon ge-agindegini imaa

onji zhigwa Dazhiikigaadeg da-onji-dadiiba'igaadewan imaa onji Onashowewining.

Bigo awiya ezhi-dibendaagozid Pinaymootang, Gaa-giishkikamigaag, Obashkodeyaang gemaa Iskatejiwanong Ishkoniganan gii-daawaad Manitoba 2011 gaa-mooshka'ang daa mooshkinebii'igewag ji-diba'amawindwaa, dago gaa-gii-izhiwebiziwaad, endashiwaad gaye onji diba'igewinan.

Gii-onaginde aaniin minik awiya gaa-asidezowaad wii-onashowaadamowaad ji diba'amawindwaaban, gaawiin gikenjigaadesinon aaniin minik endashiwaad ge maamiinindwaaban.

Aaniin apii wegonen gaye ji-dazhiikigaadeg awiya gii-mooshkinebii'iged gegoon ji-ondizid Giizhaakonigewining onji da-wiindamaagem Wiindamaagewining apii odaapinigaadeg Onashowewigamigong.

## WEGONEN JI-GIKENDAMAN

**Gaan gegoo:**

**Wijjiwen Gaa-onashoweng. Gegiin diba'amaagoon Giizhaakonigewining onji onashowewigamig odaapinang. Bagidinan aanind gigashki'ewiziwinan.**

Gegoo doodanziwan, giga-wijjiwe imaa Giizhaakonigewining, giishin dash doodaman, gibagidinaan gigashki'ewiziwin ji-onashowaanadiban ezhising onji imaa.

Dagwiiyan onashowe'igaadeg, gidizhigaabaw gegoon ji-idaman iwe Giizhaakonigewin Onashowewigamig ge-ganawaabandang apii dazhinjigaadeg. Giishpin gegoon noonde-ikidoyan, ozhibii'an jibwaa November 20, 2017 aginzod, ge-izhi-miigiweyan.

Zaagijibii'odizon

Zaagijibii'odizon omaa onji onashowewining. Gaan gegoo giga-ondizisii Giizhaakonigewin onji. Gidaa-onashowaanaag idash.

Gagwedweyan ji-zaagijibii'ogowan, gaan gegoon giga-onji-diba'amaagoosii imaa onji Giizhaakonigewining. Gidaa-gashki'ewiz idash giin igo ji-onashowaanadwaaban aaniin ezhising imaa Giizhaakonigewining (giishin dash dawiseg).

Ji-zaagajibii'odizowin omaa onji Giizhaakonigewining gii-odaapinigaadeg onashowewigamigong, ji-mooshkinebii'aman mazina'igan iwe izhising, ji-miinad omaamiinochige jibwaa November 30, 2017 ojijiseg.

WIINDAMAAGEWIN JI-GANONADWAA GAA-  
NIIGANISHKAMOWAAD

**Owe Wiindamaagewin gii-odaapinigaade onji Court of Queen's Bench of Manitoba**

## GEYAABI GIKENJIGEWIN

Gaawiin onashowewigamig gegoon oga-gashkitoosin ji-nakwetang imaa onji Wiindamaagewining. Giishin gegoon noonde-gikendaman Gii-agingdeg owe gemaa Giizhaakonigewin, gidaa-ganoonaag naadamaagewininiwag omaa:

McKenzie Lake Lawyers LLP  
[www.mckenzielake.com](http://www.mckenzielake.com)  
[manitobaflood@mckenzie.com](mailto:manitobaflood@mckenzie.com)  
1.844.672.5666

Troniak Law  
[www.Troniaklaw.com](http://www.Troniaklaw.com)  
[troniaklawoffice@gmail.com](mailto:troniaklawoffice@gmail.com)  
1.877.947.1743

## IMPORTANT DATES

**Zaagijibii'odizowin Giishkiseg: November 30, 2017**

**Gegoon Wii-ikidowin Giishkiseg: November 30, 2017**

**Odaapinigaadeg Giizhaakonigewin: January 12, 2018**

## GE-ONATEG “D”

### GINOOSING – Agindeg, zaagijibii’odizowin zhigwa Wiindamaageng Giizhaakonigewin

## 2011 MANITOBA MOOSKA’ANG OKO-ONASHOWEWIN JI-AGINDEG GIIZHAAKONIGEWIN GAYE

**Bigo awiya ezhi-dibendaagozid Pinaymootang, Gaa-giishkikamigaag, Obashkodeyaang gemaa  
Iskatejiwanong Ishkoniganan gii-daawaad Manitoba 2011 gaa-mooshka’ang**

Oko-onashowewin da-meshkwajise Gigashki’ewiziwanan

*Gii-giizhowaajigaade owe wiindamaagewin. Gaawiin gidoonashowaanigoosii.*

## OODAANAANG WIINDAMAAGEWIN

Gaa-gii-mooshka’ang omaa Manitoba 2011, niibowa imaa onji ishkoniganan gii-onji-maamaajaawag. April 3, 2012 gaa-akiiwang, gii-maajichigaade ji-oko-onashowaanindwaa Gichi-ogimaag Manitoba zhigwa Canada gaa-gii-izhiwebiziwaad iwe onji gaa-gii-mooshka’ang (maajiigoziwin zhigwa nishiwaanaajichigaadegin debendamowaad).

## AGINDEG

Onashowewigamig ogii-inaakonaan ji-agindenig onashowewin, da-maajise oko-onashowaadamowaad apiich ninishike onashowaanaawaad Gichi-ogimaa’.

## ODAAPINIGAADEG GIIZHASHOWEWIN

Apii gaa-giizhashowaadeg owe onashowewin, gaa-onashowaanidiwaad gii-debwetamoog. Owe giizhaakonigewin onashowewigam ji-debwewagendan jibwaa gegoo onji diba’igaadeg imaa onji. Apii giizhaakonigaadegin gakina gegoon, da-wiindamaagem aaniin ji-izhi-diba’igeng.

**Giizhashowewin Wiindamaagewin da-izhise January 12, 2018 apii 10:00 am imaa Law Courts, 408 York Avenue, Winnipeg Manitoba XXXXXXX at XXXXXX**



## GIIZHASHOWEWIN ZAGAKIBII'IGEWINAN

Ezhising imaa Giizhaakonigewining:

- Gakina onji Bigo awiya ezhi-dibendaagozid Pinaymootang, Gaa-giishkikamigaag, Obashkodeyaang gemaa Iskatejiwanong Ishkoniganan gii-daawaad Manitoba 2011 gaa-mooshka'ang da-mooshkinebii'igewag ji-dadiiba'amawindwaa abooshke gaa-gii-ayizhiwebiziwaad iwe gaa-izhiseg, omaa ozhibii'igaade.
  - Izhiwebiziwin Diba'igewinan da-zagakaginde aaniin minik ezhi-dibendaagoziwaad imaa gaa-ondendiwaad bebakaan ayizhiwebiziwaad daga gaye gii-gibichiiwaad odishkoniganiwaang gemaa bakaan gii-ayaawaad omaa Manitoba.
  - **Nenishike Izhiwebiziwin Diba'igewinan.** Dagosegin Izhiwebiziwin Diba'igewian, ezhi-dibendaagoziwaad debwewaad gii-wanichigewaad/gii-gashkichigesigwaa gemaa gii-onji-aakoziwaad gaa-gii-izhisewaad mashi gii-diba'amawaasiwindwaa, maagizhaa awashime daa-diba'amawaawag.
- Gegoon gii-banichigesigwaa ikidowaad, Manitoba zhigwa Canada Gichi-ogimaag wii-diba'igewag \$90,283,000.00 minik. Da-onji-diba'amawaawag Ogiigidootamaageg imaa onji dago Gaa-niigaanishkamowaad.
- Gii-onaginde aaniin minik awiya gaa-asidizowaad wii-onashowaadamowaad ji-diba'amawindwaaban, gaawiin gikenjigaadesinooon aaniin minik endashiwaad ge-maamiinindwaaban.
- Aaniin apii wegonen gaye ji-dazhiikigaadeg awiya gii-mooshkinebii'iged gegoon ji-ondizid Giizhaakonigewining onji da-wiindamaagem Wiindamaagewining apii odaapinigaadeg Onashowewigamigong.

Awashime gegoon imaa Giizhaakonigewining daa-mikigaade imaa [www.mckenzielake.com](http://www.mckenzielake.com) zhigwa [www.troniaklaw.com](http://www.troniaklaw.com) gemaa ganoonind Ogiigidootamaage omaa eteg.

## WEGONEN JI-IZHICHIGEYAN – AANIIN GE-DOODAMAMBAN MEGWAA

**Gegoon doodanziwan:** Giga-wiijiwe imaa Giizhaakonigewining, onashowewigamig odaapinang. Giga-bagidinaan anind gigashki'ewiziwan.

Gegoon doodanziwan, giga-diba'amaagoo onji Giizhaakonigewining, giishin dash dagwiisiwan gaawiin giga-izhigaabawisii ji-onashowaanadwaa awiya ono onji.

Dagwiiyan onashowe'igaadeg, gidizhigaabaw gegoon ji-idaman iwe Giizhaakonigewin Onashowewigamig ge-ganawaabandang apii dazhinjigaadeg. Giishpin gegoon noonde-ikidoyan, ozhibii'an jibwaa November 20, 2017 aginzod, ge-izhi-miigiweyan.

**Gagwedweyan ji-  
zaagjibii'ogowan:**

Gaan gegoon giga-onji-diba'amaagoosii imaa onji Giizhaakonigewining. Gidaa-gashki'ewiz idash giin igo ji-onashowaanadwaaban awiya.

Gagwedweyan ji-zaagjibii'ogowan, gaan gegoon giga-onji-diba'amaagoosii imaa onji Giizhaakonigewining. Gidaa-gashki'ewiz idash giin igo ji-onashowaanadwaaban aaniin ezhising imaa Giizhaakonigewining (giishin dash dawiseg).

Ji-zaagajibii'odizowin omaa onji Giizhaakonigewining gii-odaapinigaadeg onashowewigamigong, ji-mooshkinebii'aman jibwaa **November 30, 2017** ojjiiseg.

Onjida ji-mooshkinebii'igan ji-zaagajibii'odizoyan jibwaa ojjiiseg **November 30, 2017**.

[GAA-NIIGAANISHKAMOWAAD JI-GANONINDWAA]

## ONAAKONIGE DIBA'IGEWINAN

Apii bizinjigaadeg Giizhaakonigewin izhichigewin, Naadamaagewininiwag (McKenzie Lake Lawyers LIP dago Troniak Law), da-gagwedwewag onashowewining gaawiin awashime 15% ji-diba'amawindwaa onji imaa Giizhaakonigewining.

## GEYAABI GIKENDAMOWIN

Gaawiin onashowewigamig gegoon oga-gashkitoosiin ji-nakwetang imaa onji Wiindamaagewining. Giishin gegoon noonde-gikendaman Gii-agindeg owe gemaa Giizhaakonigewin, gidaa-ganoonaag naadamaagewininiwag omaa:

	<u>McKenzie Lake Lawyers LLP</u>	<u>Troniak Law</u>
<b>Website:</b>	www.mckenzielake.com	www.Troniaklaw.com
<b>Email:</b>	<a href="mailto:manitobaflood@mckenzielake.com">manitobaflood@mckenzielake.com</a>	<a href="mailto:toniaklawoffice@gmail.com">toniaklawoffice@gmail.com</a>
<b>Giigidowin:</b>	1.844.672.5666	1.877.947.1743

**Owe Wiindamaagewin gii-odaapinigaade onji Court of Queen's Bench of Manitoba**

## GE-ONATEG “E”

### Giizhashowewin Wiindamaagewin Ge-izhi-maada’ookiing.

#### A. Dakosing Wiindamaagewin

Gaa-dakosing Wiindamaagewin zhiigwa Giizhaakonigewin owe da-izhi-maada’ookiim:

##### Maajiinizha’iwewin

1. Gwayak da-izhinizha’amawaawag gaa-izhi-dibendaagoziwaad endaawaad wiindamaagewinan Omaamiinochige onji: zhiigwa
2. Giiitwaam da-izhinizha’amawaa gagwedwed awiya

##### Ozhibii’igewinan

3. Wiindamaagewin miziwe imaa CNW zhaaganaashiimong, Anishinaabemong gaye, miziwe da-izhinizha’igaadewan ge-izhi-gikendaagwak omaa Canada akiing.
4. Da-ozhibii’igaade endaso-ishkwaa-anami’egiizhig, aabiding dibaajimoo-mazina’iganing.
  - (a) First Nations Drum;
  - (b) Winnipeg Free Press; zhiigwa
  - (c) The Brandon Sun

##### Noondaagomochiganing

5. Gaa-ginoosing Wiindamaagewin

#### B. GINOOSING –

1. Agindeg, zaagijibii’odizowin zhiigwa Wiindamaageng Giizhaakonigewin da-achigaade maagoniganing.

**GE-ONATEG “F”****GIIZHASHOWEWIN WIINDAMAAGEWIN**

File No: CI 12 01-77146

**THE QUEEN’S BENCH  
WINNIPEG JUDICIAL CENTRE**

AWENENAG;

CLIFFORD J. ANDERSON, KURVIS ANDERSON, BERTHA TRAVERS, PRISCILLA ANDERSON, LILLIAN TRAVERSE, MATHEW TRAVERSE, MELLONEY FRANCOIS, MARY STAGG, NORMAN STAGG, DAUPHIN RIVER FISHERIES COMPANY LTD.

(Oko-onashowaanindwaa) Ishpaakonigewin

Zhigwa

THE GOVERNMENT OF MANITOBA, THE ATTORNEY GENERAL FOR CANADA AND THE MANITOBA ASSOCIATION OF NATIVE FIREFIGHTERS INC.

(Gaa-onashowewaad) Wijiichigewaad

Zhigwa

DAUPHIN RIVER FIRST NATION, LAKE ST. MARTIN FIRST NATION, LITTLE SASKATCHEWAN FIRST NATION AND PINAYMOOTANG FIRST NATION

Ani-niswewig Degwiiwaad

*Proceeding under The Class Proceedings Act, C.C.S.M c. C130***INAAKONIGEWIN****McKENZIE LAKE LAWYERS LLP**

1800 — 140 Fullarton Street  
London, ON N6A 5P2  
Giigidowin: 519-672-5666  
Aazhide: 519-672-2674  
Michael Peerless (LSUC #34127P)  
Sabrina Lombardi (LSUC#521 16R)

**TRONIAK LAW**

1000-444 St. Mary Ave.  
Winnipeg, MB R3C 3T1  
Giigidowin: 204-947-1743  
Aazhide: 204-947-0101  
Dennis Troniak (LSM #1977074)  
Jon Troniak (LSM#20 12006)

**Gaa-onashowaanindwaa Onaadamaageg**

**THE QUEEN'S BENCH  
WINNIPEG JUDICIAL CENTRE**

GICHI-ONASHOWEWININI \_\_\_\_\_,

GICHI-ONASHOWE JUSTICE EDMOND \_\_\_\_\_ DAY OF \_\_\_\_\_, 2017

**AWENENAG:**

**CLIFFORD J. ANDERSON, KURVIS ANDERSON, BERTHA TRAVERS, PRISCILLA ANDERSON, LILLIAN TRAVERSE, MATHEW TRAVERSE, MELLONEY FRANCOIS, MARY STAGG, NORMAN STAGG, DAUPHIN RIVER FISHERIES COMPANY LTD.**

(Gaa-onashowaanindwaa) Ishpaakonigewin

Zhigwa

**ISKATEJIWANONG, OBASHKODEYAANG, GAA-GIISHKIKAMIGAAG ZHIGWA PINAYMOOTANG  
ISHKONIGANAN**

Ani-niswewig Degwiiwaad

Proceeding under The Class Proceedings Act, C.C.S.M. c. C130

**INAAKONIGEWIN**

**OWE INAAKONIGEWIN** gaa-onashowaanindwaa onji, bigo gegoon, debwetamowaad iwe wiindamaagewin ji-wiindamawindwaa ezhi-dibendaagoziwaad iwe Agindenig, Zaagijibii'odizowin, giishkiseg ji-doodaman zhigwa odaapinigaadeg Giizhaakonigewin aanapii ge-wiindamaageng aandi imaa (Neyaag Giizhashoweng) aaniin gaye ezhi-waawiindamaageng, gii-bijinjigaade imaa onashowewigamigong 408 York Avenue, Winnipeg, Manitoba.

**APII ANAMICHIGAADEGIN** gaa-achigaadegin, abooshke Manitoba Onashowewigamig Agindeg Onashowewin, January 25, 2017 gaa-izhiseg, gaa-onashowaanindwaa da-ozhibii'igaadeni zhigwa Giizhaakonigewin apii gaa-miigiwewaad Ogiigidootamaageg apii wiindamawindwaa ini.

- a. Manitoba Onashowewigamig Agindang Onashowewin, January 25, 2017 apii, gaa-biminigaadeg onashowewining iwe The Class Proceedings Act, C.C.S.M. c.C130, awashime jiganawaabanjigaadeg, onowen onji:
  - a. Gaa-onashowaanind, Manitoba Gichi-ogimaa, omazina'amawaawaa' imaa daanid jinaagajitamoonawaad dazhiikigaadegin nibiin imaa Shellmouth Dam giba'iganing,

imaa Portage Diversion zhigwa Fairford Dam apii September 1, 2010 akoo December 31, 2011:

- b. Gaa-onashowaanind, Manitoba Gichi-ogimaa, omazina'amawaawaa' imaa daanid ji-naagajitamoonawaad naagajichigaadeg mooshka'ogowin gaa-dazhiikigaadeg 2011 gaa-izhiseg.
  - c. Gaa-onashowaanind, Manitoba Gichi-ogimaa, ogii-bookonaanaawaa' ji-gii-naagajitoowaapan nibi imaa Shellmouth Dam gaa-ijigaadeg imaa Portage Diversion zhigwa Fairford Dam between September 1, 2010 and December 31, 2011:
  - d. Gaa-onashowaanind, Manitoba Gichi-ogimaa, ogii-bookonaanaawaa' ji-gii-naagajitoowaad naagajichigaadeg mooshka'ogowin gaa-dazhiikigaadeg 2011 gaa-izhiseg.
  - e. Gaa-onashowaanind, Manitoba Gichi-ogimaa, ogii-migoshkaajitoonaawaan odagwii'idiwiniwaan Pinaymootang, Gaa-giiskikamigaag, Obashkodeyaang zhigwa Iskatejiwanong onji gaa-gii-mooshka'ogowaad ji-gii-naagajichigaadeg 2011 gaa-izhiseg; zhigwa
  - f. Gaa-onashowaanind, Manitoba Gichi-ogimaa, wiinawaa gaa-onji-mooshka'ang Pinaymootang, Gaa-giishkikamigaag, Obashkodeyaang zhigwa Iskatejiwanong Ishkoniganan?
- b. The onashowaanidiwaad, igowaad giigidootamaagowaad, gii-dagwiiwag ima Memorandum of Understanding onashowewin May 31, 2017 gaa-izhiseg gaa-onjiseg (Giizhaakonigewin) September 1, 2017 gaa-akiwang.
  - c. Giizhaakonigewin ji-nanaa'ichigemagak owe gaa-gii-izhiseg zhigwa gakina onashowaajiganan ge-gii-miinindwaa gaa-onashowaanindwaa; zhigwa
  - d. Ricepoint Administration Inc. gaa-inindwaa debwetamoog ji-niigaaniwaad Wiindamaagewinan ji-maada'ookiwaad owe onji onashowewin:
    1. **ONASHOWEWIGAMIG INAAKONIGE** owe onji onaakonigewin, ikidowinan imaa Giizhaakonigewining gaa-dagosingin Ge-onategin "A" gigisinoon omaa onashowewining.
    2. **ONASHOWEWIGAMIG INAAKONIGE** Giizhashowewin inwaade: gakina awiyag, gemaa debendamowaad, gii-izhi-dibendaagoziwaad imaa niwin ini ishkoniganan apii gaa-mooshka'ang 2011.
    3. **ONASHOWEWIGAMIG INAAKONIGE** aaniin wenji-oko-onashowaanaawaad, Manitoba Gichi-ogimaa gii-bimenjigesigwaa zhigwa babaamendamowaad odagwii'idiwiniwaan.
    4. **ONASHOWEWIGAMIG INAAKONIGE** ingiwe Clifford J. Anderson, Kurvis Anderson, Bertha Travers, Priscilla Anderson, Lillian Traverse, Melloney Francois, Mary Stagg and Norman Stagg inaakonigem wiinawaa ji-giigidootamawaawaad gaa-oko-onashowenid omaa onji:
    5. **ONASHOWEWIGAMIG INAAKONIGE** ji-baakinigaadeg owe Giizhaakonigewin January 12, 2018 gaa-izhiseg imaa Courthouse. 408 York Avenue, Winnipeg, Manitoba;

6. **ONASHOWEWIGAMIG INAAKONIGE** gaa-dakosing zhigwa gaa-ginoosing onashowewin Giizhashowewin, dagosin omaa Ge-onategin “B” zhigwa “C” ijigaadewan, mii odaapinigaadewan.
7. **ONASHOWEWIGAMIG INAAKONIGE** gaa-ozhibii’igaadeg Zaagijibii’odizowin niibowa iwe dagosin imaa Ge-onate “D”, mii odaapinigaadewan.
8. **ONASHOWEWIGAMIG INAAKONIGE** aaniin ezhi-maada’ookiing Giizhashowewin Wiindamaagewin, niibowa dagosing omaa Ge-onateg “E”, mii odaapinigaade (Giizhashowewin).
9. **ONASHOWEWIGAMIG INAAKONIGE** Giizhashowewin dago Waa-izhichigeng minosin onji ingiwe gaa-oko-onashowewaad ji-odaapinigaadeg, ji-zaagijibii’odizowin, ji-baakinigaadeg Giizhaakonigewin, ji-bagidinindwaa gaa-izhi-dibendaagoziwaad imaa gegoon ji-ikidowaapan ji-noondawindwaa onashowewigamigon, mii gwayak biminizha’igaade ini 19, 21, 22, zhigwa 35 onashowewinan Class Proceedings Act. C.C.S.M. c. C 130
10. **ONASHOWEWIGAMIG INAAKONIGE** bigo awiyag noonde-zaagijibii’odiziwaapan daa-inabiwag ji-onashowaajigewaad, giishin goda, gaawiin da-dagwiisiiwag Giizhaakonigewining ji-gii-mooshkinebii’amowaapan mazina’igan ji-miinaawaad Gaa-niigaanishkaminid ji-odisigod jibwaa (45) dasgon jibwaa baakinigaadeg Giizhashowewin zhigwa giishkiseg/Zaagijibii’odizowin wiindamaagewin. Gaawiin awashime da-dawisesinon ji-zaagijibii’odizowin. Gaa-gii-zaagijibii’odizowaad gaawiin oga-gashkitoosiinaawaa’ ji-dagwiiwaad imaa Giizhaakonigewining gemaa ji-dagwiiwaad ani-niigaan, gaawiin gaye da-diba’amawaasiwag imaa onji Giizhaakonigewining, gaawiin gaye da-ayaasiwag wiindamaageng giizhashowewin gemaa ekidong dazhinjigaadeg Giizhaakonigewin.
11. **ONASHOWEWIGAMIG INAAKONIGE** gaawiin awiya oga-zaagijibiiwaasiin awiya de-daso-biboonesinig gemaa bagakendanzinig giishin eta onashowewigamig bagidinang ishkwaa wiindamawind gaa-naagaji’iwed imaa onji Public Guardian and Trustee of Manitoba gaa-inindwaa.
12. **ONASHOWEWIGAMIG INAAKONIGE** iwe Ricepoint Administration Inc. gii-onasaawag ji-niigaanishkamowaad Wiindamaagewinan Giizhashowewin zhigwa Zaagijibii’odizowinan onji, zhigwa miinawaa gegoon ji-anokaajigaadeg Giizhaakonigewin, biminizha’igaadeg goda Giizhaakonigewin, abooshke ge-inaakonigeng onashowewigamigong, enwaadeg omaa.
13. **ONASHOWEWIGAMIG INAAKONIGE** Giizhashowewin ji-maamiinindwaa ezhi-dibendaagoziwaad ezhising onashowewining epiichiiwaad igo.
14. **ONASHOWEWIGAMIG INAAKONIGE** jibwaa giishkiseg ji-zaagijibii’odizowin, Gaa-niigaanishkang oga-wiindamawaa’ gaa-onashowaanindwaa zhigwa ogiigidootamaageg ozhibii’iganing da-wiinaawag awenenag gaa-zaagijibii’odizowaad zhigwa aaniishwiin onji, naasaab ozhibii’iganan wiinaawaad (dago giizhashowewin mooshkinebii’iganan ji-ozhichigaadeg, maada’ookiing gaye).
15. **ONASHOWEWIGAMIG INAAKONIGE** gaa-onashowewaad daa-miigwewag odikidowiniwaan mazina’iganing debwetamowaad owe Giizhaakonigewin jibwaa Giizhashowewin giishkisenig Omaamiinochige oga-ininaan onashowewigamigong jibwaa bizinjigaadeg Giizhashowewin. Giishin gaa-onashowewaad (gemaa giigidootamaagowaad) ozhibii’anzigwaa gegoon wii-

dagwiiwaad dazhinjigaadeg Giizhashowewin gaawiin da-izhaasiiwag onashoweng gegoon da-ikidosiiwag, onaakonigeng eta.

16. **ONASHOWEWIGAMIG INAAKONIGE** aaniin minik ge-inaginzod Gaa-niigaanishkang dadiba'amawaa' bimendang owe Giizhaakonigewin, gaa-onashowaanindwaa da-dadiiba'igewag odaapinigaadeg Giizhaakonigewin zhigwa Wiindamaagewinan. Giishin dash odaapinigaadesinog Giizhaakonigewin, Giizhashowewin gaa-gii-maada'ookiing wiindamaagewinan, Manitoba Gichi-ogimaa oga-diba'an zhigwa Niigaan Gichi-ogimaa Canada onji.
17. **ONASHOWEWIGAMIG INAAKONIGE** giishin giishkinigaadeg Giizhaakonigewin ezhising imaa onashowewining, biminizha'igaadeg owe ezhising Giizhaakonigewining.
- a. Da-na'achigaade owe Onashowewin, gaawiin gegoo da-inagindesinoon bigo izhi awiya: zhgiwa
  - b. Gakina ge-onashoweng gaa-wiidabindiwaad, zhigwa Giizhaakonigewin ge-dazhinjigaadeg, gaawiin da-maanaabamaasiiwag gaa-onashowaanidiwaad, neyaab da-azhegiwewag gaa-gii-inabiwaad jibwaa gii-maajichigaadeg owe onashowewin.

---

Gichi-onashowe Edmond  
Manitoba Court of Queen's Bench



**GE-ONATEG "G"**

File No: CI 1201-77146

**GIIZHASHOWEWIN INAAKONIGAADEG****THE QUEEN'S BENCH  
WINNIPEG JUDICIAL CENTRE****AWENENAG:****CLIFFORD J. ANDERSON, KURVIS ANDERSON, BERTHA TRAVERS. PRISCILLA ANDERSON,  
LILLIAN TRAVERSE, MATHEW TRAVERSE, MELLONEY FRANCOIS, MARY STAGG, NORMAN  
STAGG, DAUPHIN RIVER FISHERIES COMPANY LTD.****(Gaa-onashowaanindwaa) Ishpaakonigewin****-Zhigwa-****ISKATEJIWANONG, OBASHKODEYAANG, GAA-GIISHKIKAMIGAAG ZHIGWA PINAYMOOTANG  
ISHKONIGANAN****(Gaa-onashowewaad) Wiijichigewaad****-Zhigwa-****ISKATEJIWANONG, OBASHKODEYAANG, GAA-GIISHKIKAMIGAAG ZHIGWA PINAYMOOTANG  
ISHKONIGANAN****Ani-niswewig Degwiiwaad*****Proceeding under The Class Proceedings Ad, C.S.S.M c. C130***

---

**INAAKONIGEM**

---

**McKENZIE LAKE LAWYERS LLP**

1800 — 140 Fullarton Street  
London, ON N6A 5P2  
Giigidowin: 519-672-5666  
Aazhide: 519-672-2674  
Michael Peerless, LSUC #34127P  
William Jenkins, LSUC #10055 D  
Sabrina Lombardi, LSUC #521 I6R  
Naadamaagewiniwag Gaa-onashowaanindwaa onji

**TRONIAK LAW**

1000-444 St. Mary Ave.  
Winnipeg, MB R3C 3T1  
Giigidowin: 204-947-1743  
Aazhide: 204-947-0101  
Dennis Troniak, LSM #1977074  
Jon Troniak, LSM #20 12006

**THE QUEEN'S BENCH  
WINNIPEG JUDICIAL CENTRE**

GICHI-ONASHOWE ) \_\_\_\_\_, THE \_\_\_\_\_  
 )  
 GICHI-ONASHOWE EDMOND ) DAY OF \_\_\_\_\_, 2017

**AWENENAG:**

**CLIFFORD J. ANDERSON, KURVIS ANDERSON, BERTHA TRAVERS. PRISCILLA ANDERSON,  
LILLIAN TRAVERSE, MATHEW TRAVERSE, MELLONEY FRANCOIS, MARY STAGG, NORMAN  
STAGG, DAUPHIN RIVER FISHERIES COMPANY LTD.**

(Gaa-onashowaanindwaa) Ishpaakonigewin

-Zhigwa-

**ISKATEJIWANONG, OBASHKODEYAANG, GAA-GIISHKIKAMIGAAG ZHIGWA PINAYMOOTANG  
ISHKONIGANAN**

(Gaa-onashowewaad) Wiijichigewaad

-Zhigwa-

**ISKATEJIWANONG, OBASHKODEYAANG, GAA-GIISHKIKAMIGAAG ZHIGWA PINAYMOOTANG  
ISHKONIGANAN**

Ani-niswewig Degwiiwaad

*Proceeding under The Class Proceedings Ad, C.S.S.M c. C130*

---

**INAAKONIGEM**

---

**OWE INAAKONIGEM** gaa-onashowaanindwaa onji, bigo gegoon, odaapinigaadeg  
 Giizhaakonigewin September 1, 2017 gaa-izhiseg, dagosin Ge-onateg "A" bagidinigaadeg owe  
 izhichigewin gii-bijinjigaade imaa onashowewigamigong 408 York Avenue, Winnipeg, Manitoba.

**APII ANAMICHIGAADEGIN** gaa-achigaadegin, abooshke gaa-onashowaanindwaa debwetamowaad Giizhaakonigewin noondawaawaad Ogiigidootamaage' zhigwa gaa-onashowewaad:

1. **ONASHOWEWIGAMIG INAAKONIGE** owe onji onaakonigewin, ikidowinan imaa Giizhaakonigewining gaa-dagosingin Ge-onategin "A" giginoon omaa onashowewining.
2. **ONASHOWEWIGAMIG INAAKONIGE** Giizhaakonigewin gaa-gii-giizhashoweng maminose onji ezhi-dibendaagoziwaad ini lshkoniganan.
3. **ONASHOWEWIGAMIG INAAKONIGE** owe Giizhaakoniewin aaniin ezhibii'igaadeg gii-odaapinigaade onashowewining imaa section 35, The Class Precedings Act onaakonigewin gaa-ijigaadeg.
4. **ONASHOWEWIGAMIG INAAKONIGE** iwe gakina Giizhaakonigewin (abooshke nishtam giigidowin, giitwaam giigidowin, Ge-onategin gaye) dagosingin imaa aazha gii-baakinigaade onashowewigamigong.
5. **ONASHOWEWIGAMIG INAAKONIGE** Da-dazhiikigaade owe Giizhaakonigewin aaniin igo ezhibii'igaadeg gaa-debwetamowaad (a) gaa-onashowewaad, (b) ezhi-dibendaagoziwaad, abooshke de-daso-biboonesigwaa zhigwa gaa-naagajiwindwaa maakiziwaad ezhisng Onaakonigewining, zhigwa (a) Government of Manitoba zhigwa Attorney General for Canada gaa-inindwaa.
6. **ONASHOWEWIGAMIG INAAKONIGE** owe izhichigewin gemaa awashime gegoon ge-izhichigeng gaa-naagajichigewaad ingi Public Guardian and Trustee gaa-inindwaa, biminizha'igaadeg gaye Rule 7 imaa onji Queen s Bench Rules onaakonigewin.
7. **ONASHOWEWIGAMIG INAAKONIGE** owe Giizhaakonigewin, ji-biminizha'amowaad ezhi-dibendaagoziwaad dago gaa-daso-biboonesigwaa gemaa gaa-maakiziwaad, biminizha'igaadeg Rules 7.04 zhigwa 7.08 imaa onji Court of Queen 's Bench Rules gaa-ijigaadegin owe gaa-izhichigeng.
8. **ONASHOWEWIGAMIG INAAKONIGE** bigo maada'ookiing Wiindamaagewinan onji Giizhaakonigewin dibaajimaawag oshkabinoojiinsag ji-diba'amawindwaa biminizha'igaade iwe Rule 7.09 Court of Queen 's Bench Rules onaakonigewin.
9. **ONASHOWEWIGAMIG INAAKONIGE** owe Giizhashowewin ji-inwaadeg gakina mooshka'ogowining 2011 wiinindwaa, gibinigaadesinog gegoon, gakina gaa-onji-onashowewaad ezhi-dibendaagoziwaad imaa zhigwa gaa-gii-wiindamaagewaad.

10. **ONASHOWEWIGAMIG INAAKONIGE** endashiwaad gaa-onashowewaad gaa-gii-wiinindwaa aazha dagwiiwag imaa, gakina gaa-wiinindwaa gii-biminizha'igaade iwe Article 3 onaakonigewin imaa Giizhaakonigewining.
11. **ONASHOWEWIGAMIG INAAKONIGE** gaa-dagwiiwaad imaa onaakonigewining ji-gashkitoosigwaa gegoon ji-anaamimaawaad awiyan omaa Canada, wiinawaa igo onji gemaa bakaan awiya ji-wiijichigemaawaad, ji-aazhidendamowaad ini Wiindamaagewinan gaa-gii-maada'ookiwaad.
12. **ONASHOWEWIGAMIG INAAKONIGE** apii gaa-izhiseg owe Onashowewin, gaawiin ezhi-dibendaagozid omaa Manitoba da-zaagidaakonigaadeni gegoon ji-diba'igesig.
13. **ONASHOWEWIGAMIG INAAKONIGE** Gichi-ogimaa Manitoba zhigwa Gaa-niigaaniid Gichi-onashowe Canada zhemaag oga-diba'anaawaa owe Giizhaakonigewin jibwa ojijiseg (30) dasogon.
14. **ONASHOWEWIGAMIG INAAKONIGE** apii ojijiseg gaa-ikidong gii-izhiseg, da-bagidinigaade owe Wiindamaagewin gegoon ji-diba'igaadesinog bigo izhi.
15. **ONASHOWEWIGAMIG INAAKONIGE** ingi Ricepoint Administration Inc. oga-niigaanishkaanaawaa' ji-maamiinochiged imaa onji Giizhaakonigewin, oga-biminizha'aanawaan onaakonigewinan.
16. **ONASHOWEWIGAMIG INAAKONIGE** ji-biminizha'igaadeg owe Onaakonigewin, Onashowewigam oga-bimenimaa' Gaa-onashowaanidid zhigwa Ogiigidootamaage' ji-biminizha'igaadeg owe onaakonigewin.
17. **ONASHOWEWIGAMIG INAAKONIGE** gaawiin gegoo Manitoba Gichi-ogimaa zhigwa Gichi-onashowe Canada onji gegoon ji-onji-anaamimindwaaban omaa onji Giizhaakonigewining.
18. **ONASHOWEWIGAMIG INAAKONIGE** Giizhashowewin Wiindamaagewin weweni odaapinigaade biminizha'igaadeg iwe Ge-onateg "B" (dakoosing) zhgiwa Ge-onateg "C" (Ginoosing).
19. **ONASHOWEWIGAMIG INAAKONIGE** Gizhashowewin ozhibii'igaadeg ji-maada'ookiing, dagosin Ge-onateg "D" gii-odaapinigaadeg da-dazhiikigaade apii izhiseg ji-maajichigaadeg.
20. **ONASHOWEWIGAMIG INAAKONIGE** giishin giishkinigaadeg Giizhaakonigewin biminizha'igaadeg ezhising, gegoon bakaan izhichigaadesinog Giizhaakonigewin, (a) da-

na'achigaade owe onashowewin gegoon ji-izhi-aabadasinog awiya onji, bigo awiya gegoon anaamimaasiwind (b) gakina wiidabingewinan, ikidowinan, izhichigewinan omaa onji Giizhaakonigewining, gaawiin gegoon da-izhi-maanzhisesiiwag Gaa-onashowaanidiwaad, neyaab da-azhegiwewag gaa-gii-bi-ayizhichigewaad jibwaa gii-giizhashowaadeg zhigwa maajii-dazhiikigaadeg owe Giizhaakonigewin.

---

Gichi-onashowe Edmond

Manitoba Court of Queen's Bench

## GE-ONATEG “H”

### Dakoosing – Giizhashowewin Wiindamaagewin

# 2011 MANITOBA OKO-ONASHOWEWIN GIIZHAAKONIGEWIN MAAJISEG

*Bigo awiya ezhi-dibendaagozid Pinaymootang, Gaa-giishkikamigaag, Obashkodeyaang gemaa Iskatejiwanong Ishkoniganan gii-daawaad Manitoba 2011 gaa-mooshka’ang:*

## GIIZHAAKONIGEWIN

Giizhaakonigewin gii-odaapinigaade onji Manitoba Court of Queen’s Bench onashowewigamigong, ji-onaakonang 2011 gaa-gii-mooshka’ang omaa Manitoba, mii gaa-onji-maajiiba’iwewaad gemaa maajiigoziwaad imaa ezhi-dibendaagoziwaad ishkoniganan Pinaymootang, Gaa-giishkikamigaag, Obashkodeyaang zhigwa Iskatejiwanong.

Gegoon gii-banichigesigwaa, Manitoba Gichi-ogimaa zhigwa Canada wii-diba’igewag \$90,283,000.00 minik. Onadamaageg gaye onji (“ogiidootamaageg”) dago zhigwa dazhiikigaadeg Giizhaakonigewin.

Gakina ezhi-dibendaagoziwaad Pinaymootang, Gaa-giishkikamigaag, Obashkodeyaang zhigwa Iskatejiwanong gii-daawag omaa Manitoba apii 2011 gaa-mooshka’ang da-dadiiba’amawaawag Nenishike gaa-gii-ayizhiwebiziwaad.

- Nishike Izhiwebiziwin Diba’igewin: Aaniin nenishike gaa-izhiwebiziwaad awiyag apii 2011 gaa-mooshka’ang, abooshke gaa-gii-maamaajaawaad, giishin gii-gibichiiwaad aaniin gaa-izhi-zanagitwaawaad. Da-zagakibii’igaade aaniin minik endashiwaad ge-dadiiba’amawindwaaban daabishkoo aaniin minik imaa gaa-ayaawaad gemaa aaniin minik ningoji gii-izhigoziwaagwen onji odishkoniganiwaang.

gii-wanichigewaad, gii-gashkichigesigwaa gemaa gegoon gii-maanidoodaagowaad apii 2011 gaa-mooshka’ang.

Gii-onaginjigaade aaniin minik gaa-dagwiiwaad imaa Giizhaakonigewining, gaawiin gikendaagosinooon aaniin bebikish ge-dadiiba’amawindwaaban imaa Giizhaakonigewining.

## MOOSHKINEBII’IGEWIN

Ji-ondiziyan Giizhaakonigewining onji, ezhi-dibendaagoziwaad imaa izhi ji-mooshkinebii’igewaad, ji-miinaawaad Gaa-niigaanishkaminid, dago mazina’iganan ji-wiijiiwesegin, ozhibii’igaadegin aanapii gaa-mooshkinebii’aman mii ji-izhi-izhinizha’igaadegin (Apii “dazhinjigaadeg”) jibwaa XXXXX, 2018 ojjiiseg.

Gaa-onashowewaad ji-miigiwewaad omooshkinebii’iganiwaan jibwaa ojjiisenig ji-boonisenig gemaa gaawiin da-dagwiisiiwag imaa Giizhaakonigewining.

Ayaamagad aaniin ji-izhi-ondinamamban ini ji-mooshkinebi’amamban, gidaa-ondinaanan imaa [www.XXXX.com](http://www.XXXX.com) gemaa gidaa-ganoonaag Gaa-niigaanishkamowaad ezhibii’igaadeg omaa.

## GEYAABI GIKENJIGEWIN

- Nenishike Izhiwebiwinan: Awiyaḡ owe ezhigaabawiwaad da-gagwedwewag ji-diba'amawindwaaban gegoon

Gaawiin onashowewigamig gegoon oga-gashkitoosiin jina-kwetang imaa onji Wiindamaagewining. Giishin gegoon noonde-gikendaman Gii-agindeḡ owe gemaa Giizhaakonigewin, gidaa-ganoonaag Gaa-niigaanishkamowaad omaa:

#### **GAA-NIIGAANISHKAMOWAAD JI-GANOONINDWAA**

#### **GETENDAAGWAKIN DIBAWAGESEGIN**

Mooshkinebii'iganan Dazhinjigaadegin: xx

Giishkiseḡ Ji-mooshkinebii'igewin: XX, 2018

Gii-odaapinigaade owe onashowewin imaa Court of Queen's Bench of Manitoba onji.

## GE-ONATEG “I”

### GINOOSING – Giizhashowewin Wiindamaagewin

# 2011 MANITOBA GAA-MOOSKA’ANG ODAAPINIGAADÉ GIIZHAAKONIGEWIN

*Bigo awiya ezhi-dibendaagozid Pinaymootang, Gaa-giishkikamigaag, Obashkodeyaang gemaa Iskatejiwanong Ishkoniganan gii-daawaad Manitoba 2011 gaa-mooshka’ang:*

## GIIZHAAKONIGEWIN

Giizhaakonigewin gii-odaapinigaade onji Manitoba Court of Queen’s Bench onashowewigamigong, ji-onaakonang 2011 gaa-gii-mooshka’ang omaa Manitoba, mii gaa-onji-maajiiba’iwewaad gemaa maajiigoziwaad imaa ezhi-dibendaagoziwaad ishkoniganan Pinaymootang, Gaa-giishkikamigaag, Obashkodeyaang zhigwa Iskatejiwanong.

Aana-gii-banichigesigwaa, Manitoba zhigwa Canada gichi-ogimaag wii-diba’igewag \$90,283,000.00 minik. Naadamaagewinini Diba’igewinan, Gegoon ge-agindegim imaa onji zhigwa Dazhiikigaadeg Giizhaakonigewin.

Gakina ezhi-dibendaagoziwaad Pinaymootang, Gaa-giishkikamigaag, Obashkodeyaang zhigwa Iskatejiwanong gii-daawag omaa Manitoba apii 2011 gaa-mooshka’ang da-dadiiba’amawaawag Nenishike gaa-gii-ayizhiwebiziwaad.

- Nishike Izhiwebiziwin Diba’igewin: Aaniin nenishike gaa-izhiwebiziwaad awiyag apii 2011 gaa-mooshka’ang, abooshke gaa-gii-maamaajaawaad, giishin gii-gibichiiwaad aaniin gaa-izhi-zanagitwaawaad. Da-zagakibii’igaade aaniin minik endashiwaad ge-dadiiba’amawindwaaban daabishkoo aaniin minik imaa gaa-ayaawaad gemaa aaniin minik ningoji gii-izhigoziwaagwen onji odishkoniganiwaang.
- Nenishike Izhiwebiwinan: Awiyag owe ezhigaabawiwaad da-gagwedwewag ji-diba’amawindwaaban gegoon gii-wanichigewaad, gii-gashkichigesigwaa gemaa gegoon gii-maanidoodaagowaad apii 2011 gaa-mooshka’ang.



## MOOSHKINEBII'IGEWIN

Ji-ondiziyan Giizhaakonigewining onji, ezhi-dibendaagoziwaad imaa izhi ji-mooshkinebii'igewaad, ji-miinaawaad Gaa-niigaanishkaminid, dago mazina'iganan ji-wiijiwesegin, ozhibii'igaadegin aanapii gaa-mooshkinebii'aman mii ji-izhi-izhinizha'igaadegin (Apii "dazhinjigaadeg") jibwaa XXXXX, 2018 ojijiseg. Giishin awiya de-mooshkinebii'igesig, gaawiin gegoon da-ondizisiwag imaa onji Giizhaakonigewining.

Gwayak wiindamaagewin aaniin ji-izhi-ondinaman, ji-mooshkinebii'igeyan, daa-mikigaade imaa [www.XXXXXXX.com](http://www.XXXXXXX.com) gemaa ganoonind Gaa-niigaanishkamowaad omaa wezhibii'igaadeg.

Dazhinjigewinan miziwe Manitoba da-onachigaadewan (waabandan aandi, zhidwa aanapii) Gaa-niigaanishkang onji ji-wiiji'aad ezhi-dibendaagozinid imaa Giizhaakonigewining. Gaawiin gegoo ji-diba'igaadeg ji-izhaang.

## ONAAKONIGEWIN DIBA'IGEWINAN

Manitoba Court of Queen's Bench da-gagwejiimaawag gaawiin awashime 15% dibach da-diba'amawaasiwag Onadamaageg Giizhaakonigewin oniji, dago gegoon ge-agindeg in odanokiiwiniwaang. Onadamaageg gii-onasaawag apii ji-wiiji'iwewaad, wiinawaa gegoon oga-diba'anaawaan dazhiikamowaad owe Giizhaakonigewin.

Giishin ezhi-dibendaagozid mazina'ige'aad naadamaagewininiwan Giizhaakonigewin onji wiinawaa ji-diba'amawaawaad ji-waawiiji'igoowaad.

## GEYAABI GIKENJIGEWIN

Gaawiin onashowewigamig gegoon oga-gashkitoosiin ji-nakwetang imaa onji Wiindamaagewining. Giishin gegoon noonde-gikendaman Gii-agindeg owe gemaa Giizhaakonigewin, gidaa-ganoonaag Gaa-niigaanishkamowaad omaa:

**GAA-NIIGAANISHKAMOWAAD JI-GANOONINDWAA**

## ETENDAAGWAKIN DIBAWAGESEGIN

**Mooshkinebii'iganan Dazhinjigaadegin: XX**

**Giishkiseg Ji-mooshkinebii'igeng: July 3, 2018**

Gii-odaapinigaade owe Gizhashowewin Court of Queen's Bench of Manitoba onji.

## **GE-ONATEG “J”**

### **Giizhashowewin Wiindamaagewin Maada’ookiiwin**

#### **A. Dakoosing – Giizhashowewin Wiindamaagewin**

Gaa-dakoosing Giizhashowewin Wiindamaagewin owe da-izhi-maada’ookiim:

##### **Maajinizha’igewin**

1. Mailed directly to all Class Members for whom contact information has been provided to the Notice Administrator; and
2. Mailed to anyone requesting a copy.

##### **Ozhibii’igewin**

3. An information Press Release shall be issued across the CNW newswire in English and Ojibwa, to be disseminated to all major digital, print and broadcast news outlets across Canada.
4. Da-ozhibii’igaade endaso-ishkwaa-anami’egiizhig, aabiding dibaajimoo-mazina’iganing.
  - (a) First Nations Drum;
  - (b) Winnipeg Free Press; zhigwa
  - (c) The Brandon Sun

##### **Noondaagomochiganing**

5. Noondaagomochiganan da-wiindamaagem Zhaaganaashiimong, Anishinaabemong gaye, gabe-giizhigak (gigizheb/onaagoshig, giizhigak, dibikag), zhigwa NCI FM da-noondaagwad.

##### **Gaa-mazinaateseg**

6. Gaa-mazinaateseg da-wiindamaagem Zhaaganaashiimong, Anishinaabemong gaye, imaa Aboriginal People Television Network (“APTN”) zhigwa CBC bebakaan gaa-mazinaatesegin, bigo apii.

#### **B. Gaa-ginoosing Wiindamaagewin**

1. Gaa-ginoosing Giizhaakonigewin Wiindamaagewin da-achigaadewan maagoniganing Ogiigidootamaageg zhigwa Gaa-niigaanishkamowaad.

**GE-ONATEG “K”  
MOOSHKINEBII’IGEWIN**

**GITENDAAGWAD:**

Jibwaa mooshkinebii’aman owe, akawe gakina anamitooon zhigwa gaa-dagosing  
Giizhashowewin.

Endashiwaad Ezhi-dibendaagoziwaad bebikish ji-ayaawaad mooshkinebii’iganan,  
mooshkinebii’an endashiwaad enawemadwaa abooshke endasobinoojii.

Giishin andawendaman ji-wiiji’igoowan mooshkinebii’igeyan, gidaa-ganoonaa Gaa-  
niigaanishkang, omaa ozhibii’igaade aaniin izhi gemaa gidaa-izhaa gaa-dazhinjigaadegin da-  
achigaadewan aanapii aandi gaye omaa Manitoba.

Giishin gaawiin memwech ji-wiiji’igoowan, gidaa-mooshkinebii’aan, mii gidaa-izhinizha’aan  
XXX@XXXX.XXX gemaa Canada Post gidaa-aabajitooon, jibwaa XXX ojijiseg, izhi:

Gaa-niigaanishkang Manitoba Giizhaakonigewin

**Ge-giishkiseg ji-ondiziyamban mooshkinebii’igeyan: XXXXXX,  
2018**

ANI BEZHIG

AWENENIWIWIN

**A). Daga mooshkinebii'an owe aweneniwiyan giin. Gwayak ozhibii'an makade gemaa ozhaawashkobii'igewin.**

Wiinzowin: \_\_\_\_\_

Ezhi-dibendaagoziwin: \_\_\_\_\_

Daawin: \_\_\_\_\_

Oodena: \_\_\_\_\_

Akiikaan: \_\_\_\_\_ Gikinawaaj aginjigan Daawin: \_\_\_\_\_

Giigidowin Aginjigan: \_\_\_\_\_

Maagonigan Mikaagoowin: \_\_\_\_\_

Inwewin giigidowin  Zhaaganaashimowin  Anishinaabemowin

**B) Gimooshkinebii'an ina giin onji gemaa awiya onji odibenjigewin gemaa awiya de-daso-biboonesig (jibwaa 18 daso-bibooned)?**

Niin onji (izhaan Ani-niizh)

De-daso-biboonesig

Odibenjigewin awiya, giigidootamawag (niisaya'ii inaabin)

**Mooshkinebii'igetamawad De-daso-biboonesig,**

Owiinzowin: \_\_\_\_\_

Ezhi-dibendaagozid: \_\_\_\_\_

Ezhi-inawemad: \_\_\_\_\_

Aandi odaawin: \_\_\_\_\_

Oodena: \_\_\_\_\_

Akiikaan: \_\_\_\_\_ Gikinawaaj Aginjigan Daawin \_\_\_\_\_

**Mooshkinebii'igeyan Odibenjigewin awiya onji, Giigidootamawad,**

Wiinzowin Gaa-gii-nibod: \_\_\_\_\_

Ezhi-dibendaagozid: \_\_\_\_\_

Ezhi-inawemad gaa-gii-nibod (daabishkoo wiigimaagan gemaa abinoojii): \_\_\_\_\_

Apii gaa-nibod: \_\_\_\_\_

Aandi gaa-daad Ziigwang 2011: \_\_\_\_\_

Oodena: \_\_\_\_\_

Akiikaan: \_\_\_\_\_ Gikinawaaj Aginjigan Daawin: \_\_\_\_\_

Ginaadamaagewiniw ina Odibenjigewin awiya onji?  Eya' (dagotoon debwewin)  Gaawiin

### **C). Onaakonige Giigidootamaagewin**

**Giishin naadamaagewinini wiji'ig ji-mooshkinebii'igeyan ji-ondiziyan imaa onji Giizhaakonigewining apii gaa-gii-mooshka'ang omaa Manitoba, ozhibii'an aweneniwid gaa-giigidootamaag. Giishin mooshkinebii'aman owe, ani-niigaan wii-da-gaganoonaa.**

Endananokiid: \_\_\_\_\_

Owiinzowin: \_\_\_\_\_

Aandi enokiid: \_\_\_\_\_

Oodena: \_\_\_\_\_

Akiikaan: \_\_\_\_\_ Gikinawaaj Aginjigan Daawin: \_\_\_\_\_

Giigidowin Aginjiganan: \_\_\_\_\_ Aazhidebii'igesewin: \_\_\_\_\_

Maagoniganing mikaagoowin: \_\_\_\_\_

<b>ANI-NIIZH:</b>	<b>OKO-ONASHOWEG</b>
-------------------	----------------------

### **Giin ina (de-daso-biboonesiwan gemaa gidibenjigewinan) gizhi-dibendaagoz?**

Giishin ji-dagwiiyan imaa Giizhaakonigewining, onjida ezhi-niizhingin ji-debwewin: (i) gizhi-dibendaagoz bezhig iwe Ishkonigan (wiindegin omaa) zhidwa (ii) gigii-ayaa omaa Manitoba 2011 gaa-mooshka'ang

#### **A) Aandi imaa ezhi-dibendaagoziyan (de-daso-biboonesiwan, dibenjigewin)?.**

- Obashkodeyaang
- Iskatejiwanong
- Gaa-giishkikamigaag
- Pinaymootang



**D) Agwaji-ishkonigan gii-daayan, biinji-Manitoba dash apii 2011 Gaa-mooshka'ang, debwewin dagoosidoon gii-daayan omaa.**

Daawin: \_\_\_\_\_

Oodena: \_\_\_\_\_

Akiikaan: \_\_\_\_\_

Gikinawaaj Aginjigan Daawin \_\_\_\_\_

Debwewin Daawin (gidiba'igewinan, zhooniyaawigamig gemaa mooshkinebii'iganan ji-gikendaagwak aandi gaa-daayan ziigwang 2011) dagoosin:  EYA  GAAWIIN

**ANI-NIIWIN 4- NENISHIKE IZHIWEBIZIWINAN DIBA'IGEWIN**

Diba'amawind gaa-gii-izhiwebizid awiya, awiya ezhi-dibendaagozid imaa daa-gagwedwe ji-diba'igaadenig gaa-nishike-izhiwebizid. Owe diba'igewin ji-wiiji'igod awiya gegoon gaa-gii-nishike izhiwebizid gaa-gii-mooshka'ang, zhiigwa diba'amawind wiiji'wind gii-wanichiged gegoon.

Wiin Gaa-niigaanishkang oga-dibawagendaan aaniin minik ji-diba'amawind awe ge-wiiji'wind.

**INAABIN GIIZHASHOWEWIN GEYAABI WIINDAMAGEWIN ONJI GIISHIN OWE WII-MOOSHKINEBII'AMAN ONJI.**

*Giishin mooshkinebii'igeyan owe diba'igewin onji, ONJIDA ji-dagoosidooyan debwewin mazina'iganan. Giishpin geyaabi mazina'igan andawendaman, dagotoon.*

**A) Awenen giin (de-daso-biboonesiwan gemaa dibenjigewin onji) mooshkinebii'aman onji?**

- Dibenjigewin wanising gemaa nanaa'ichigewin
- Wanichigewin
- Gimino-ayaawin/Enagindegin

**B) Dibaajimon wenji-gagwedweyan:**

---



---



---



---



---



---

### ANI-NAANAN 5: WIINZOWIN GIDIKIDOWIN

Jakibii'aman miigiweyan owe mooshkinebii'igan, nindikid ji-onaakonigoowaan giivanimowaan, gakina ekidowaan debweyaan zhigwa gakina mazina'iganan gaye gaa-naasaabibii'igaadegin. Giishin mikigaadeg gii-giivanimowaan, gaawiin da-odaapinigaadesinon ningagwedwewin gemaa gegoo ninga-ondizisii onji imaa.

Gaawiin gegoon nindizhi-anaamimaasiig Gaa-niigaanishkamowaad (X), anokii'aaganag, odaginzoog zhigwa gaa-waawijii'iwewaad gegoon gemaa ji-onashowaanagwaaban wiji'iwaad ji-mooshkinebii'amaan owe.

---

Wiinzowinan

---

Gaa-izhisegin

---

Owiinzowin gaa-onashowed, onadamaagen (giishin)

Naadamaagewinin: \_\_\_\_\_

Endananokiid ezhinikaadeg: \_\_\_\_\_

Aandi endananokiid \_\_\_\_\_

Anokiiwin Giigidowin:/Aazhidebii'igeseg: \_\_\_\_\_

---

Gaa-izhisegin

### ANI-NINGODWAASWI 6: MIIGIWEN GIMOOSHKINEBII'IGAN

*Gidaa-izhinizha'aan maagoniganing onji, maajiinizha'iwewining gemaa Omaamiinochige izhi (X omaa izhi)*

**Onjida ji-giizhi-MOOSHKINEBII'AMAN, jakibii'aman gaye jibwaa [•] ojijiseg jiganawaabanjigaadeg.**

*Ji-ganawendaman bezhig naasaab owe MOOSHKINEBII'IGAN dagosingin gimazina'iganan giin onji.*



## GE-ONATEG “L”

### **BEMINIZHA’IGAADEG JI-DAGWIIWIN**

#### **Maajiiba’iwewin Mazina’igan**

1.1 Canada oga-izhinizha’amawaan Gaa-niigaanishkaminid ishkwaaach niibidebiwandwaa gaa-gii-maajiiba’iwewaad onji ini Niiwin Ishkoniganan, gemaa geyaabi ayaasigwaa ishkoniganing apii gaa-mooshka’ang 2011.

#### **Agowaagan Mazina’igan**

1.2 Canada oga-izhinizha’amawaa’ Gaa-niigaanishkaminid ishkwaaach niibidebiwandwaa agowaaganag ezhising imaa s.5(1) of the Indian Act, RSC 1985, cl-5, imaa onji goda ini ishkoniganan.

#### **Ishkoniganing Wiinzowinan**

1.3 Canada oga-miinaa’ ini Gaa-niigaanishkaminid ishkwaaach niibidebiwandwaa niiwin ini ishkoniganing onji gaa-ayaagin ezhising s. 9(1) of the Indian Act, RSC 1985, cl-5. Giishin ayaasinog dino, wiinawaa aaniish genawendamowaad ishkoniganing ezhising imaa 10(1) and 10(6) of the Indian Act, RSC 1985, ci- 5, mii Canada da-miigiwe ishkwaaach wiinzowinan gaa-gii-ayaawaad.

1.4 Giishin ondinigaadesinogin Ishkoniganing onji wiinzowinan, inaakonigem ji-biidoowaad ini wiinzowinan apii ge-dazhinjigaadeg Giizhaakonigewin onashowewigamigong.

#### **Dagwiiwin Onachigewin**

1.5 Awiya owiinzowin gaa-dagotenig imaa niibidebii’iganing da-dagwii imaa Giizhaakonigewining ezhising s.1.7 omaa.

1.6 Awiya owiinzowin atesinog imaa niibidebii’iganing, gaawiin da-dagwiisii imaa Giizhaakonigewining.

(a) Gaa-onashowed gii-biindigebii’odizo imaa Department of Indian Affairs, ezhising s. 9(5) of the Indian Act. RSC 1985, cl-S jibwaa mooshkinebi’iged Giizhaakonigewin onji, aginjigan ikido ji-gigibii’ond imaa niibidebii’iganing ezhising imaa s. 9(3); gemaa

(b) Giishin Anishinaabeg bimendamowaad odishkoniganiwaa’ ezhising imaa Indian Act, RSC 1985, cl-S s. 10(1), biminizha’igaadeg Onaakonigewin, da-izhibii’ige gaa-biindigebii’odizod ogii-biminizha’aan izhichigewin jibwaa mooshkinebii’iged Giizhaakonigewin onji, zhigwa Ishkonigan debwe imaa izhi-dibendaagozid. Bigo dash izhiseg, ji-miinaad Gaa-niigaanishkaminid

debwewin mazina'iganan, ji-miinaad Ogimaakaan an gemaa Aginjiganan, aaniin igo ge-izhisegiban.

1.7 Awiya ji-dagwiid imaa Giizhaakonigewining, gegoon debwewinan ji-miigiwewaad gii-ayaawaad omaa Manitoba apii gaa-mooshka'ang. Aanind ini debwewinan ge-aabadakin, daaabishkoo onowen:

(i) 2011 Aabajichigan Diba'igewinan

(ii) 2011 Zhooniyaawigamigo-mazina'iganan

(iii) 2011 Gichi-ogimaa diba'igewin gemaa 2011 Zagakibii'igewin

Aanind miinawaa debwewinan daa-aabadadoon maagizhaa ge-odaapinangiban Gaa-niigaanishkamowaad.

## GE-ONATEG “M”

### BIMINIZHA’IGAADEG ONAGINDEWIN

#### Ji-gikenjigaadeg

1.1 Zagakaginjigaadeg nawach da-minose aaniin dedibach ge-izhi-maada’ookiing diba’igewinan.

1.2 Giishkiseg ji-dagwiiwin, Gaa-niigaanishkang oga-aabajitooon zagakaginjigewin, ji-onendang aaniin minik nishike izhiwebiziwaad zhidgwa nenishike ayizhiwebiziwaad ji-diba’amawindwaaban.

1.3 Aaniin minik bebikch ge-onagindeg zhidgwa aaniin gakina imaa ebid da-onaginjigaade aaniin meminik ge-dadiiba’igeng biminizha’igaadeg owe izhichigewin.

#### Zagakanjigewin

1.4 Omaamiinochige oga-onagindaan aaniin endashiwaad ge-maamiinindwaa gaa-dadiba’amawindwaa.

Endaso-onaginjiganan	Onaginjiganan
<p><b>(a) Ginitaa-daa ishkoniiganing – gii-maajiba’aa.</b></p> <p>Endashiwaad ezhi-dibendaagoziwaad imaa ini ishkoniiganan apii 2011 gaa-mooshkaa’ang gii-maajibawind da-diba’amawaa nishike izhiwebiziwin Diba’igewin, owe izhi;</p> <p>(i) Gichi-ayaag apii gaa-izhiseg nisowaki (3) gemaa awashime, mii</p> <p>(ii) Gichi-ayaag apii gaa-izhiseg jibwaa (3) nisowaki izhiseg</p> <p><b>(iii)</b> De-daso-biboonesigwaa apii gaa-izhiseg gii-maajaawaad bigo minik</p>	<p>120</p> <p>75</p> <p>15</p>
<p><b>(b) Ginitaa-daa ishkoniiganing – gii-gibichii</b></p> <p>Endashiwaad ezhi-dibendaagoziwaad imaa ini ishkoniiganan apii 2011 gaa-mooshkaa’ang gii-maajibawind da-diba’amawaa nishike izhiwebiziwin Diba’igewin, owe izhi;</p> <p>i. Gichi-ayaag apii gaa-izhiseg nisowaki (3) gemaa awashime, gii-gibichiiwag ishkoniiganing, gii-zanagitwaawag</p> <p>ii. Gichi-ayaag apii gaa-izhiseg jibwaa nisowaki (3), gii-gibichiiwag ishkoniiganing, gii-zanagitwaawag.</p> <p>iii. Gaa-de-daso-biboonesigwaa gaa-gii-gibichiiwaad gaa-gii-zanagitwaawaad gaye</p>	<p>120</p> <p>75</p> <p>15</p>

<b>(c) Gaawiin gii-nitaa-daasii Ishkoniganing</b>	
Endashiwaad Ezhi-dibendaagoziwaad gaawiin gii-nitaa-ayaasigwaa ishkoniganing 2011 gaa-mooshka'ang, gii-daawag dash omaa Manitoba, izhigaabawiwag ji-ondiziwaad iwe nishike izhiwebiziwin diba'igewin, owe izhi diba'amaadim;	
<b>i.</b>	Gichi-ayaag apii gaa-izhiseg 1.5
<b>ii.</b>	De-daso-biboonesigwaa apii gaa-izhiseg 1

**GE-ONATEG “N”**  
**MICHI-DIBA’IGAN ONAGINDEG**

1.1 Gaa-niigaanishkang oga-onagindaan aaniin minik michi-diba’igewin ge-maamiinindwaa awiyag.

1.2 Endashiwaad ge-dadiiba’amawindwaa oga-onagindaan Omaamiinochige, owe izhi onagindang:

(a) \$5,000 da-maamiinaawag ingiwe waawiikaa gii-nagiskawaawaad gaa-onashowewaad zhiga ogiigidootamaage.

(b) \$10,000 da-maamiinaawag igiwe gii-nitaa-nagishkawaawaad gaa-onashowenid zhigwa ogiigidootamaage, Winnipeg gaye daad, gakashkitoosig ji-ayizhaad maama’oobing.

(c) \$15,000 da-maamiinaawag igiwe gii-nitaa-nagishkawaawaad gaa-onashowenid zhigwa ogiigidootamaage, agwajaya’ii Winnipeg daad, gakashkitood idash ji-ayizhaad maama’oobing.

## GE-ONATEG “O”

### NENISHIKE AYIZHIWEBIZIWIN DIBA’IGEWIN

#### ONAAKONIGEWIN 1 – GIKENJIGEWIN

- 1.1 Ishkwaa diba’igeng Nishike Diba’igewin, gaa-onashowewaad da-gagwedwewag onji gaa-gii-wanichigewaad bakaan gegoon onji daabishkoo (aangwaamizi diba’igewin, ashandiwin, wiikobijigan gemaa gegoon egindeg, gemaa gaye gegoon gimino-ayaawining gaa-gii-agindeg giin gii-onji-diba’aman).
- 1.2 Ji-ondiziyan idash gegoon Nenishike Izhiwebiziwin diba’igewin, ji-mooshkinebii’ang imaa (ani-niiwin omaa) dagosidood mazina’iganan debwed, ji-miinaad Gaa-niigaanishkaminid jibwaa ojjiisenig ji-giishkisenig owe izhichigewin.

#### ONAAKONIGEWIN 2 – NENISHIKE AYIZHIWEBIZIWINAN DIBA’IGEWINAN

- 2.1 Nenishike ayizhiwebiziwinan Diba’igewin gaawin awashime 75% da-giikisesinon imaa onji zhooniyaang
- 2.2 Nenishike Ayizhiwebiziwinan Gaa-niigaanishkang oada-diba’aanan daabishkoo ono:
  - (a) **Wanichigewin, nanaa’ichigewin:** gii-maamiinotoowaad odaawiniwaan gaa-gii-nishiwaanaajichigaadegin mooshka’ang, aazha dash gii-onji-diba’igaadesinog bakaan onji, daa-gagwedwe diba’igewin, ji-ayaad idash debwewin geget gegoon gii-wanichiged gemaa gegoon gii-nanaa’itood gii-agindeg.
  - (b) **Gashkichigesiwan:** Daa-gagwedwewag gaa-gii-mooshka’ogowaad ji-wiijiwindwaa gii-wanichigewaad gii-gashkitoosigwaa ji-anokiwaad zhigwa onjida ji-gii-maamaajaawaad, daabishkoo ashandiwin, wiikobijigewin gemaa bakaan gegoon gaa-gii-onji-ondiziwaad. Daa-gagwedwewag ji-ondiziwaapan ininwe onji, ji-miigiwewaad idash debwewin iwe gii-izhiwebiziwaad, gemaa bakaan gegoon Gaa-niigaanishkamowaad ji-debwetawaawaad.
  - (c) **Gii-mino-ayaasiwan/Gii-agindeg:** giisin ezhi-dibendaagoziwaad imaa gegoon gii-izhi-maanamanji’owaad iwe onji gaa-gii-mooshka’ang, daa-gagwedwewag ji-wiijiwindwaa gaa-gii-izhiwebiziwaad, gaa-gii-izhishkaagowaad zhigwa anin gaa-inagindenig omamino-ayaawiniwaa’.
- 2.3 Gagwedweyan diba’igewin, onjida debwewin ji-dagosidooyan gimooshkinebii’igewining aaniin gaa-doodaagoowan gaa-mooshka’ang daabishkoo (minik diba’igewin, gichi-ogimaa diba’igewin, mashkikiwinini mazina’igan) zhigwa bakaan mazina’iganan gii-diba’aman gegoon

(wiji'iwewinan, ashandiwin, wiikobijigewin gemaa bakaan gaa-izhi-wanichigeyan mino-ayaasiwan onji).

- 2.4 Miigiwesiwan debwewin mazina'iganan, daa-aanawenjigaade gimooshkinebii'igewin.

### **ONAAKONIGEWIN 3: ONACHIGEWIN**

- 3.1 Ji-diba'amaagooyamban Nenishike Ayizhiwebiziwin onji, da-onaginjigaadewan ezhising onaakonigewining, gaawiin dibach gii-onagindesinog imaa onji Nishike izhiwebiziwin Diba'igewin gemaa bakaan onji wiji'iwewin daabishkoo (wiji'iwewin, ashandiwin, wiikobijigewin, gemaa bakaan onji gashkichigewin gemaa gii-ondiziyan gimino-ayaawining onji).
- 3.2 Giishin ji-diba'amaagoowan Nenishike Ayizhiwebiziwin onji, awe gaa-mooshkinebii'iged ji-dagosidood debwewinan daabishkoo (wiji'iwewinan, ashandiwin, wiikobijigewin mashkikiwinini mazina'igan) ji-debweyan ekidoowin.
- 3.3 Giishin bakaa gii-ondizid awiya daabishkoo (wiji'iwewin, ashandiwin, wiikobijigewin, gemaa bakaan onji gashkichigewin gemaa gii-ondiziyan gimino-ayaawining onji) ji-onjisenid onji Nenishike Ayizhiwebizowining, ji-miigiweng ini mazina'iganan ji-waabandamowaad Gaa-niigaanishkamowaad ji-onagindamowaad.
- 3.4 Gaa-niigaanishkang bakaan awiyan gekenjigenid oadaa-mazina'ige'aan ji-wiji'igod onagindaminid Nenishike Ayizhiwebizonid awiyan gemaa ji-onasaad awiyan ji-onaakonaminidi aaniin minik ji-ondizinipan.
- 3.5 Ge-giizhaakonang Gaa-niigaanishkang da-giizhise odoonaakonigewin.

### **ONAAKONIGEWIN 4 – DIBA'IGEWINAN**

- 4.1 Aaniin minik ji-diba'amawindiban awiya Gaa-niigaanishkang oga-onagidaan, baanimaa dash gakina giizhi-diba'igeng Giizhaakonigewining da-onaginjigaade.
- 4.2 Giishin minik zhooniyaa abisig imaa ji-onji-dadiiba'igeng, Gaa-niigaanishkang oga-onagindaanan endasingin mooshkinebii'igewinan aaniin minik ge-dadiiba'amindwaaban gaa-gii-mooshkinebii'igewaad.
- 4.3 Gakina Nenishike Ayizhiwebiziwaad dadiiba'igaadegin, geyaabi ishkosed zhooniyaa iwe onji, da-miigiwe awe zhooniyaa ji-wijiwindwaa Nishike izhiwebiziwin onji aaniin ezhising imaa Article 3.12 (“Gaa-ishkosed zhooniyaa”) onaakonigewining imaa onji gaye Giizhaakonigewining.